

ფასი 30 კპ.



№ 1

ფელიქსი მესამე.

სსოპრემა

ორკვირული სამეცნიერო, სალიტერატურო და საპოლიტიკო ჟურნალი.

ფ ი ნ ა ა რ ს ი.

1. სახალწლო ნობათები, ძველისა.
2. ტეტი, მოთხრობა, დიჩიანელისა.
3. ტირიფი, ლექსი, ი. სიხარულიძისა.
4. „გზა“, პიესა, სანდრო გურულისა.
5. ნ. ბარათაშვილის ნაშთების გამოსვენება თფილისში, გ. იოსელიანისა.
6. სხვა და სხვა ამბავი.
7. კრიტიკა, ზომლელისა.
8. მიმოხილვა, ალესილისა.
9. სოფლიო მეცნიერი და ჰუმანისტი, ილია მეჩნიკოვი.
10. დასავლეთის სტუდენტობა, ს. ნინაშვილისა.
11. მოგზაურობა რაქა-ლენხუში, ამბერისა.

1 იანვარი 1917 წ.

ქუთაისი

სტამბა „მობა“, პუშკინის ქ., სახლი იაკობ გოციელისა.

ორკვირული საპოლიტიკო, სალიტერატურო და სამეცნიერო ჟურნალი.

საახალწლო ნობათები.

(ქუთაისი)

ქალაქის „მამებს.“

თფილათ ზიხართ, ჰაერს „ულაპავთ“...
აბა, რაა თქვენი ფიქრი,
ილაყბეთ და იქაქანეთ
და ქალღღებზე წერეთ ნიხრი...
იმედია, არ მოაკლებთ
მოქალაქეთ დამპალ პურსა,
მომავალი დააფასებს,
თქვენ ნაღვაწს და ნამსახურსა...

ვაჭრებს.

ზეცა გრგვინავს, მეხი სკდება,
სისხლით ირწყვის მთა და ველი,
მხოლოთ თქვენთვის დარჩა ეს დრო,
საამო და სანატრელი...
ცარცვეთ ხალხი, არ იწამოთ,
ფულის მეტი არაფერი,
თქვენ შეგირცხვათ სინიღისი,
თქვენ შეგირცხვათ უღვაწ-წვერი!

ქ. შ. წ. კ. საზ. გამგეობას!

ასე მკვირცხლათ, თუ იშრომეთ,
„ააშენებთ“ ჩვენ ქვეყანას,
დაიძინეთ, გეთაყვანეთ,
დაიძინეთ... გეტყვიო ნანას!..

დრ. საზ. გამგეობას!

იმედია, პატრიოტულ
პიესებს კვლავ „მოუხშირებთ“.

ბილეთებს-კი ას „პროცენტით“,
ფასს აუწევთ, გააძვირებთ...
დღეს თეატრი თქვენი არი,
ქეც აბრუნებთ, თქვენ ნებაზე,
ერთხელ მაინც გაისარჯეთ,
აიხედეთ... ქანდარაზე!..

გაზ. „სამშობლოს“

„სამშობლო, დედის ძუძუი
არ გაიცვლებს სხვაზედა“...
კვალად ხო გწყალობს ვაქრები?
იმდერე შევების ხმაზედა!

ია ეკალაძეს!

„გწუნობენ, მარა შენ ძვირს-კი
ვერ ვათქმევინებ ენასა“,
პუბლიცისტურსა წერილებს
ნუ ალევ აღმაფრენასა...
წერე მოთხრობა... დრამები...
მერწმუნე უფრო კარგია,
პუბლიცისტური სახელი,
შენთვის ზედ-მეტი ბარგია...

ჟურ. „ცხოვრებას!“

გისურვებ არჩეული გზით,
მტკიცეთ სიარულს მარადა...
„ხელ-მარჯვეთ ცემდე ჩოგანსა“,
სიმართლე გქონდეს ფარადა...
ვერას დაგაკლებს ორგული,
თვისი მლიქვნელი ენითა,
ისწრაფე ალთქმულ მიზნისკენ
უშრეტი აღმაფრენითა...

სახ. უნივერსიტეტს!

ღიადია თქვენი ღვაწლი,
ვით მზის სხივი მოციალე ..
მაშ, სანაცვლოთ ხალხის ნდობა
მიიღე და ინაცვალე!...

„ბულვარისტ — მკლავაძეებს!“

რალა უჭირს ტანჯულ მამულს,
რალა უჭირს ქართველის დედას!
ნუთუ მტერი საზიზღარო
აწი იმას კვლავ შეებდავს!
როს თქვენგვარი მოამაგე
ჩვენ სამშობლოს კვლავ დარაჯობს...
მაშ, დაძახეთ ტიკის ყურზე:
„ჩვენ სამშობლოს გაუმარჯოს!“

ნ. ნიკოლაძეს!

პუბლიცისტი ხარ ნამდვილი,
კალამიც დიდათ ფხიანი...
გძნობას ხსნის, სულში მიძვრება,
სიტყვები მჭექარ ხმიანი...
მარა გემდურით... რო დღესაც
შორდებით შშობლის კერასა,
ქართულს არ გვასმენ და კვალათ
მიყევ რუსულათ წერასა!...

ბევრი მზება მისალოცი,
ჩვენ სამშობლოს მოღვაწენი...
ვიცი, ყველას ეკადრება
ნობათები შესაძღვენი...
მარა, რა ვქნა, დავილაღე,
შუალამე გადავიდა...
და მუზამაც მილალატა,
გამეცალა, გამიფრინდა...
იმედი მაქვს, კვლავ მეწვევა,
მოსალოდნელ ახალ წლაპდი,
მაშინ გიძღვნით, ვინც რო დამჩით...
აწ მშვიდობით... და ნახვამდი...

ძველი.

გეო

ძღვნათ ქია ჯაფარიძის ასულს.

ყვლაზე უფრო ლამაზი ცხოვრებაში —
შეხვედრებია. შეხვედრები მორცხვი,
კრთოლვარე.

ის, რაც უცაბედი ყოფილა, მოკიაფე
ვარსკვლავია წარსულ ცხოვრების.

ცის გუმბათს მირიადი ვარსკვლავი აშე-
ენებს. მარა ჩვენ თვალს ცელქი მეტეორი
იტაცებს, რომელიც უცეფ მოველინება ტატნ-
ობს, განათებს, გულს დაუსერავსდა სივრცეში
სამუდამოთ გადაინთქმება.

ცხოვრებაშიც, მხოლოთ ის გვიზადავს,
რაც სწრაფათ მოველინებული გულში ჩავწვდ-
ება, აგვაძგერებს, მიიმაღება.

ასულო, ჩვენი შეხვედრაც უცაბედი,
კრთოლვარე იყო, ვით მეტეორის გზა ცის
გუმბათზე.

ჰო, უცაბედი იყო ჩვენი შეხვედრა!
უცაბედი და ამიტომ ვერაფერი გითხარ!
ახლა-კი ვიწყებ ამბავს ერთი შეხვედრისას,
ბოდვითა და ტანჯვით განდობ ჩემი სუ-
ლის მიერ შექმნილს, რომელიც სინამდვილედ
არი და ზღაპარიც.

კრემლებს ვლრიდი და ისე ვწერდი.
აღში ვიწვოდი და ისე ვქმნიდი.
და რა შევქმენი, შენ გაწვდი წასაკითხვათ!
წაიკითხე...

წაიკითხე და, თუ შენ სინამდვილე მისი
ცხოვრებისა

ზღაპრათ მოგვეჩვენოს, ან ზღაპარი სინა-
მდვილეთ,

მაშინ ჩემი კრემლები ტყუილა არ დაღ-
ვრილა,

ჩემ ტანჯვას უბრალოთ არ ჩაუვლია.
გახსოვდეს, ამით მე არ მინდა ვიპოვო
ის, რაც დამიკარგავს.

და, რაც დავკარგე, ის მულმივია,
რომელიც ხატათ ასვენია გულის სიღრმეში
და მის წინ ანთებული სული სანთელი
მისთვის იწვის, მისთვისა დნება.

როცა დადნება, დაიმსხვრევა საკურთხე-
ველი.

ხატი ნაფოტებათ გარდაიქცევა,

ხოლო ლოცვა მის სადიდებლათ, ტანჯულ სულის მიერ ცრემლით შექმნილი, მუდმივ დარჩება!!

1.

მოჩუხჩუხებს.

სიძვებეზე მოჩქეტეს ზეკრის მდინარე.

მოჩქერს-მთაში ჩაქდობილი ხანის ლურჯ მთაში ჩაქსოვილი.

გიჟური ხმებით შეწყობილი ჩუხჩუხი ისმის, ჩუხჩუხი ჯადო მდინარის, რომელიც ცელქ ტალღებს ამუსიკებს და არეს ატკობს, რომელიც აქა-იქ შეჩერდება, დატრიალდება, მორევით იქცევა და ღრუტუნით, სარკეთ ქცეული, გაინაბება!! ამ დროს, იგი სარკეთ ქცეული, თვის ზედაპირზე ამოქარგავს კრიალ ნაფლეთს ცის გუმბათისას, რო თვით ქცეული სარკეთ—იგიც ისარკოს!!

და იზნიდება მორვეი და ყურს უგდებს ქვა-კლდეებზე მქუხარე ტალღებს!

ყურს უგდებს, არე-მარე ესარკევება და მიბნედილი სარკეთ ხმარობს ცას და გარემოს!! მოჩუხჩუხებს.

სიბჭვებზე მოჩქეტეს ზეკრის მდინარე...

მთის ფერდობნი—ხევით ნაქცევი ორივე მხრით, გოლიათივით ამართულა, რომელიც მწვანეთ შემოსილი ოდნავ ამთქნარებს, ამთქნარებს უზარმაზარ ხეებით დაფენილი და მთის ნიავესა ქმნის... ტყე ნიავეს ანებივრებს. ნიავეც ტყეში თამაშობს! ნიავე ტყეს გულში იკრავს, ტყე ნიავეს სულში იძვრენს... და შრიალობენ ფოთლოლნი და მოთქვამს ტყე!!

ზეკრის მდინარე-კი მხრიალებს, მოთქვამს და გიჟობს!

2.

ფერდობს, მდინარის გვერდით ამართულ ფერდობს, ვიწრო ბილიკი მოყვება. ნელი ხმით მილილინობს ამ ბილიკზე მოხუცი მებაღური სიმონა; მას უკან ფიქრში წასული, მოდევს ქაბუკი ცეტი.

—ცეტი, გამოუჩქარე... ღიმილით ესვრის სიმონა, გამოუჩქარე, თორე კალმახები სხვისი კერძი გახდება.

—კიდე დაგვიჩქარე... უბასუხებს ცეტი და ფეხს აუჩქარებს.

—ბიჭო, უჩემოთ, როცა წამოხვიდე, გიმორვეს ვერიდე.

ცეტი ჩაიციინებს...

ჩაიციინებს, რათგან მისთვის არცერთი გიჟი მორვეი არ არსებობს, იგი იცნობს ყოველ ნაბიჯს მდინარისას...

ისინი მიუახლოვდენ ზეკრის მდინარეს. ორივემ გაიწყო ბადეები.

ღიღინით ისროლეს ბადეები და, მერე, სმენათ ქცეულნი, ნელი ნაბიჯით აუყვენ მდინარეს...

სიჩუმე იდგა. მხოლოთ ამ სიჩუმეს მდინარის მსუილი არღვევდა, რომელსაც ბადაობით გატაცებული მებაღური ვერა გძნობდენ.

—ცეტი, ბარაქალა, წამოიძახებს სიმონა, „სილაძეახა“ დააყოლებს და ბადეში გაბმულ, მოზდილ კალმახსა ხსნის, როცა პარკში გაღუძახებს, ბადეს დიდ ლოდზე დადებს და თვითაც მასზე ჩამოჯდება.

—დავისვენოთ, ერთი ყალიონი მოვწიო ამ მზის ჩასვლისას და, ამასთან ერთ ამბავსაც მოგიყვე...

ცეტი სმენათ იქცევა.

—ბიძია, იწყებს სიმონა, ეს მორვეი, ხედავ, ცაცხვის ძირას, რო მოუფრთხნია, „ნაძრახი“ ადგილია. თითქმის, ამ მორვეს ღამით ყველა მებაღური გაურბის, რათგან ბევრი მათგანი უნახავთ აქ დამჩვალი, არავინ იცის, რათ, რისთვის? თითქმის, შენც გაგვეგონება, ყოველზაფხულზე უნდა დამჩვალიყო თითო

8

ლომივით ვაშკაცი. დიდხანს ვიკვლიეთ, ბიძია, მიზეზი. გვეგონა, მებაღური ბადეს, თუ გაღაყვაო. მარა ბადე ყოველთვის ცაცხვზე იყო ჩამოკიდებული, მებაღური-კი მორვეში უნდა გვეძებნა.

შეხედე, ერთი ბადე ახლაც კილია ცაცხვის ქვედა ტოტზე! არავინ მას ხელს არ კიდებს.

ცეტი ბადისკენ იხედება და ქრუანტელი უვლის ტანში...

—იცი, აგძელებს სიმონა, ხმა დადის, წყლის ქალის ბინა უნდა იყოს ეს ადგილი. თვარიან ღამეში, თურმე, გამოდის ის ურწმუნო

დაბანაობს. ვინც ამ დროს შეხვდება მებაღური, მოაჯადოებს მისი შიშველი სილამაზე და, მერე, ლუპავს. მარა, სანამ დალუპავდეს, ატკობს თვისი ეშხით, გახვევს თავის მაცვალივით თმაში და, მანამ ეთამაშება, სანამ არ მოწყინდება; და, როცა მოწყინდება, გიჟივით შემოახვევს, თურმე, ყელზე თავის გძელ თმას და გუდავს. გუდავს და უსულო გვამს წყალში ხარხარით ისვრის...

გაგიგონია ღამე წყლიდან ცივი ამოხრიალი, რომელიც, უცეფ, გაიხრიალებს დამოწყდება?! ეს იმ ურწმუნოს ხარხარია.

ჰო, ერიდე, ცეტი, ღამე აქ ბადაობას. ათავეებს სიმონა ამბავს და ზეზე დგება. ჩუმათ ისვრიან ბადეებს.

უცეფ, სიმონა წელზე ხელს გაისობს...

— დაწყველოს ეშმაკმა, დაიძახებს. ცეტი, გაიქეც, აკი ცაცხვის ძირას თუთუნინი ქისა დამჩა!..

ცეტი ბრუნდება. სევდიანი ღიღინით მიდის იგი.

უახლოვდება ცაცხვს... იღებს ქისას. ჩერდება.

უკვირდება მოდუღუნე საიდუმლოებით საგსე მორევს...

აშტერდება... იგონებს სიმონას ნაამბობს. ჟრუანტელი უვლის ტანში...

მარა ბადეს აიწყობს და მობუტბუტე მორევს გულს უსერავს...

ჩუმათ იღებს ბადეს.

შებრუნდება...

აპირებს წასვლას.

მარა ქვავდება.

იქვე დიდ სიპზე, რომელიც მდინარეს გადმოყურებს, ასული ზის...

ზის თეთრი ტანსაცმელით მოსილი. შავი გიზრის თმა ორ ნაწნავათ წინ მომხიბლველათ უთამაშებს...

სევდით ჩაჩერებია იგი მდინარეს...

— დედა, წყლის ქალი, იძახის ცეტი და ადგილიდან ვერ იძვრის.

— დედა, რა კარგია, და ძირს ეშვება. მას უნდა წყლის ქალმა არ შეხედოს, არ დაფთხეს...

მარა მას ახსოვს სიმონას ნაამბობი და შიშის ჟრუანტელი დაუვლის ტანში...

უნდა ზეზე ადგეს, მარა ვერ იძვრის.

— აი, ასული დგება, გაიღიმებს, მერე, რაღაც სიმღერას დაიწყებს...

ცეტი აქ ველარ ითმენს... გული წაუვა და გულწასული რიყეზე ეშვება.

მარა მას ესმის ჯადო სიმღერა, იგი გძნობს შიშსა და ნეტარებას.

— ბიჭო, სა დაგძინებია, უძახის მის საძებრათ წამოსული სიმონა.

ცეტი, უეცრათ, ზეზე წამოვარდება.

— წყლის, წყლის ქალი...

— ბიჭო, რა იყო, ეძახის სიმონა.

— წყლის ქალი, ბიძია, წყლის, აი, აქ ზის ქვაზე, რა ლამაზი, რა ახალგაზდა...

— ნუსუღელოფ, წამო, ღამდება.

— ღმერთმანი, გაღმა, იმ დიდ სიპზე იჯდა, იმეორებს ცეტი და ცახცახებს.

მარა სიმონა ყურს არ უგდებს, ღიღინით ისვრის ბადეს და ცეტ კალმახს შიგ ახვევს!!

ცეტი-კი შიშით კრთება, თან ასულის სილამაზით მოხიბლული, ნელა იღიმება!!

იღიმება და ვერ აუხსნია, მოჩვენება იყო ის, თუ სინამდვილე...

წყლის ასული იხილა მან, თუ მომაკვდავი— მიწისა!!

3

სევდიანი დარბის იღესი, სევდიანი ჩაირბენს ზეკრის ფერდობს და მდინარის პირს ოცნებობს.

იგი, რამდენიმე დღეა, რაც დედით ამოვიდა ქალაქიდან, საავარაკოთ.

— დედა, დედა, რა გაძლებს ამ მთაში, ამოიოხრებს იღესი. მარა, რო მოავლევს თვალებს მთის თხემებს, ასწლოვან ხეებით დაფენილს, რო ჩაირბენს და მოისმენს გიჟი მდინარის ლუკლუკს, ყველაფერი ავიწყდება.

და ნუკრივით დახტის.

მიუახლოვდება ასწლოვან ცაცხვს, გადაჯდება დიდ სიპ ქვაზე და მდინარის ჩუხჩუხს ყურს უგდებს.

ის სულ ბავშვია— 15—16 წლისა.

პირველათ ნახულობს მთის სიდიადეს, მთის სილამაზეს...

ნახულობს და გძნობს მის სიკეკლეუცეს—
შვენიერებას.

მთაში გაიღვსება, მას შეიყვარებს!

შეიყვარებს ნაზი სიყვარულით მთის ასულს-გიჟურა მდინარეს და, როცა მზე გადისბრება, მასთან ჩაირბენს, მის სიკეკლეს გაეთამაშება, ყურს უგდებს მის მუსიკას და მის ტალღათა ჩუხჩუხში აწნის თვისი სულის ჰანგებს.

4

ცეტი სულგანაბული მოყვება მდინარეს და კალმახს იჭერს.

უცეფ, ჩერდება...

ახსენდება მას სიმონას ნაამბობი, რათგან იგი მორვეი სულ ახლოს არი ..

მიუახლოვდა.

ბადე უგულოთ ისროლა, მარა გაშეშდა..

ბადეს არა სწევს.

მის წინ, სიბჭვაზე ისევ ის ასული ზის...

ზის და მას მოჩერებია.

ცეტი ქვავდება... ფერი გადაკრავს, მარა აჯადოებს ასულის სილამაზე და იძახის:

— დედა, რა ლამაზი წყლის ქალი!

იღესი კრთება. მის წინაც ლამაზი ქაბუკია. ლამაზი ქაბუკი, ბადით ხელში...

მას იგი წყლის კაცი გონია, წყლის კაცი, რომელზეც ბევრჯელ უფიქრია, უფიქრია შიშით, კრთომით და თან სიხარულითაც...

— წყლის კაცი, ალბათ, ეს უნდა იყოს, ფიქრობს იღესი.

უნდა უყუროს, დატკბეს. მარა თანც ეშინია.

უცეფ, კრთება. ეშინია მას სინამდვილის.

ეშინია წყლის კაცის, რომელიც სინამდვილეში მდინარის პირას ევლინება და შიშობს!..

დაფთხალი შევლივით წამოიჭრება იგი და ფერდობს აყვება.

გაშტერებული მიჩერებია ცეტი..

— ღმერთო, ღმერთო, წმიდა გიორგი შემეწიე, იძახის იგი და მდინარიდან ამოდის...

5

უგულოთ ისვრის ცეტი ბადეს. რამდენი ხანია, ერთი კალმახიც ვერ დაიჭირა.

და განა კალმახზე ფიქრობს იგი?!

მისი ფიქრი ცაცხვთან სიბჭვას უტრიალებს.

და სიბჭვაზე მჯდომ წყლის ასულს...

მან მოიტაცა მისი მე, მას გაატანა თვისი გული, თვისი სიხალისე, სიცილი, ღიღინი.

ჩუმათ ისვრის ბადეს და წინ დაეხატვის „წყლის ასული“, დაეხატვის და ობოლი ცრემლი წყდება, წყდება და ანკარა მდინარეს გულსა წვავს.

აგერ, ერთი კვირაა უმზერს ქვაზე სალამობით მჯდომ ასულს. უმზერს, გაიგო, რომ იგი „წყლის ქალი“ არ არის, არამედ ზეკრის აგარაკზე მოსული, მოსული სააგარაკოთ...

გაიგო მისი სახელი, მარა ერთი ვერ გამოელაპარაკა...

უხმოთ აუვლის გვერდს.. ერთს შეხედავს...

და იწვის ცეტი, იწვის, რაღაც ძალით, რომელსაც სახელი ვერ უპოვა, რომელიც ტანჯვაც არი და ნეტარებაც...

6

სევდით დათაღხული იღესი სხვის სევდასაც გძნობს.

სევდამ იგძნო სევდა.

პირველი სიყვარულის მწვავე ისარმა იღესის გულიც დაკოდა.

მთის ვაჟმა იმისი გულიც წაიღო!!.

ლოცვა სიყვარულისა მდინარის პირას იღესის მიერ უხმოთ ითქვა.

ლოცვა სევდისა ტრფობის ჰანგში შეეწნა და არეს მოედვა.

სევდიანობს იღესი.

სევდა მისი სევდით გამოითქმის, რათგან მას უყვარს.

და უყვარს მას მებაღური—წყლის ვაჟი..

უყვარს მისი სევდა.

მარა უხმოა იღესი—ვით თვით ტანჯვა.

უხმოა—ვით თვით სიყვარული.

უხმოა, მხოლოთ მაშინ გაიღიმებს, როცა ცეტი, ბადით ხელში, მის საყვარელ მორვეს გაუსწორდება და გადმოხედავს. აი, მაშინ ყრუანტელი, ტკბილი ყრუანტელი დაუვლის და იგი უზომოთ ნეტარებს...

7

ცეტი მის წინ იჩოქებს.

იჩოქებს, რათგან იღესი მას უძახის და თვისთან იხმობს..

ცეტი ღგება.

იღესს თვალეში აშტერდება.

—მე ხვალ მივდივარ.. რო ველარ მნახავ სალამოობით, არ მოგწყინდება?!

ცეტი კრთება.. თვალეშს ძირს დაუშვებს.

—მე ხვალ მივდივარ... მშვიდობით „წყლის კაცო“.. ხელს უწევს.

—მართლა, შენი სახელი?!

—ცეტი..

—ცეტი, ჩენი სახელი-კი იღეს, იდა!

ისინი ერთმანეთს მიჩერებიან.. მათი ტანნი თრთიან, გულნი თრთოლვენ..

— იღესს ღარჩი..

—არა, დედა არ დამტოვებს.. და ქვითინი აუარდება. მე შორს უნდა წავიდე, ველარ გნახავ.. ცეტი არ ინძრევა.

—აი, ამ მთებს გადაღმა უნდა წახვიდე?!

—ჰო, ამისანა მთები ბევრი უნდა გავიარო.. იღესს ცრემლები დის.. იგი ქვითინებს... ქვითინებს ნახულსა და დაკარგულ სიყვარულს. ქვითინებს განვლილ სევდას. ტირის მთის სილამაზეს, ეთხოვება მთას, მის მოღუღლუნე გიჟ მღინარეს, მის საიდუმლო ლეგენდას—ცეტის..

—მა, უნდა წახვიდე?! და ცეტი ნელა ღიღინებს. ღიღინებს ცეტი, რათგან იგი რეტ-დასხმულია, იგი სინამდვილეს ვერა გძნობს, სინამდვილეს განშორებისას, არამედ ნეტარებს იმით, რომ იგი იღესის ახლოს არი, მასთან საუბრობს.

— „მა, უნდა წახვიდე?!

„ჰო, და იღესი ღებდა. და ცეტის აშტერდება.

— მშვიდობით, და ხელს გაუწევს..

— მშვიდობით და, იღესი, უცეფ, ცეტის ყელს შემოეხვევა და ტუჩებში კოცნის..

კოცნის და, უცეფ, შორდება, ვით ჩიტი, ქრება..

ცეტი თავბრუ დასხმული, თვალ მიბნედილი ღიღინებს არი.. ბოლოს, თვალეშს გაახელოს, ამოიფშენეტს.

— იღეს, იდა, დაიძახებს იგი სევდით, ტირილი ისმის მის ხმაში.

ხმას არეინ ცემს.

— დედა, წავიდა. და იგი გძნობს საშინელ სევდას. მან ღღეს იპოვნა თვისი „წყლის ასული“ და აღიღინდა მეტის სიხარულით, მარა ისევ მალე დაკარგა და მწარეთ აქვითინდა, რათგან უზომო ბედნიერი. უზომო უბედური გახდა..

გამტერებული დაიარება ცეტი.

იღესი წავიდა.

ველარ ნახულობს.

სევდიანი ჩაუვლის სიპ კლდეს.

სევდით უკვირდება ცაცხვის ძირას მოღუღლუნე მორვეს..

— იღესი შორს წავიდა, შორს, ფიქრობს ცეტი, გაიარა ეს ერთმანეთზე შეწყობილი მთები.. გაიარა.. მერე კიდევ, ბევრი იმგზავრა.. ახლა იგი შორს არის, შორს..

სევდამ გული დაუწყლოლა..

— დედა, დედა, ოხვრით იძახის ცეტი.. მას საშინელი სევდა, სევდა ტრფობისა ტანჯავს.

აქ, ამ მთაში მას სული ეხუთვის.

ზევით აიხედავს მთა, გვერდზე გაიხედავს — მთა! საითაც უნდა გაიხედოს, ყველგან — მთა. და გული უწუხს..

და პირველათ მთის შვილი გძნობს მთის მძულვარებას, რათგან მან შეხუთა მისი სული, დაუკარგა მხედველობა — მის არწივისებურ თვალეშს..

სულს ძლივს იბრუნებს.

ცრემლები ადგება თვალეშზე. ხშირათ დაქრილი ლომივით შეხტება.

ოხ, რათ არ შემიძლია ჩავამტვრიო ეს მთები და გზა გაუშალო ჩემ თვალეშს, წამოიძახებს იგი..

ცეტის სურს მის წინ ამართული მთის თხემები დაინგრეს, დაიღუწოს, რო გაიხედოს იმ მხრით, საითაც იღესი ეგულება.

მარა ამაყი თხემები არ ინძრევა.

მთის მწვერვალნი მედიღურებენ და ცეტის ასეთ სურვილს მღუმარებით უპასუხებენ.

9

შემოდგომაა.

ცეტი ზეკრის გზა ტკეცილზე გამოსულა.

ბოგირის ქვაზე სევდიანი ზის..

ზის და დაყურებს გიჟურ მღინარეს.

უცეფ, გააზმორებს.

— იღესს, წამოიძახებს.

— ნეტავ, სად არი? როდის ვნახავ?!

ცრემლი ცვივა.

იგი გძნობს, რომ იღესს იგი ვერასოდეს ვერ ნახავს, რომ იგი მოჩვენება იყო მისი ცხოვრების, ზღაპარი იყო მისი სიცოცხლის! მარა იგი მოჩვენება თვალწინ უდგას, თვისკენ იწევს, უძახის, ხელს უქნევს!!

გზა ტყეცილზე გამოდის, გახედავს გზას, რომელიც ფერდობზე ხეობაში მიიკლავნება ღამაზათ.

მან იცის, რო ქალაქში მიდის ეს გზა.

მარა, იქ ხო არასოდეს არ ყოფილა.

ნეტავი, აჩვენა—მაინც, ქალაქი.

შეიძლება, სადმე მოკრას თავლი თავის წყლის ქალს.

— ბიძია, ეს გზა ქალაქში მიდის“.

— ხო, ეუბნება მგზავრი.

— შორს არის აქიდან ქალაქი“!

— 60 ვერსი იქნება... .

— დიდხანს მოეუნდები იქ ჩასვლას?

— მეორე დღეს ჩახვალ, ბიძია! რა გინდა ქალაქს? ეკითხება მგზავრი.

— მინდა ქალაქი ვნახო..

— ჰმ, გადააქნევს მგზავრი თავს და ხარებს შეუტევს... .

დარჩება ცეტი... ფიქრს მიეცემა... ასეთივე კითხვებით იგი თავს აბეზრებს, აგერ, ერთი თვეა, მგზავრებს.

— ცეტი, აქ რა გინდა? ხელსა კრავს მეზობლის ბიჭი.

— ჰო, უპასუხებს ცეტი, ქალაქის ამბავს ვეკითხებოდი მგზავრებს. ჰო, რომ იცოდე, რა მინდა ქალაქის ნახვა... .

— წაყე მეურმეს, ქუთაისს ჩაგიყვანს.

— მეშინია, ბაბა გამიწყრება.. და ცეტის თვალებიდან ცრემლის ნაკადული წასკდება.

— ამოდენა ბიჭის ტირილი ვაგონილა?! შინ წამო, და მეზობლის ბიჭი ხელსა კიდებს.

— გამიშვი, ბრაზით ეუბნება ცეტი, ვერა ხედავ, ბადე მკიდია, სათევზოთა ვარ წამოსული.

ზეზე დგება. თავჩაქინდრული დაუყვება ბილიკს.

გული მისი სკდება, სული ტანში არ ეტევა. და ბოლმით მიაბიჯებს იგი.

უცეფ, შედგება.

გაიღიმებს, იგი რაღაცას იგონებს.

სახე გაუბწყინდება. შეათამაშებს ბადეს და ღიმილით მაღალ მთის მწვერვალს მიაშტერდება.

10.

— იქ, იქ უნდა ავიდე! აი, იმ მაღალ მწვერვალზე.. ღეთისშობელო, შემეწიე!

ცეტი იჩოქებს... .

ნელა გამოთქვამს მისი ტუჩი მხურვალე ლოცვას!

თვლები ცრემლით ევსება... .

— წმიდა გიორგი.. შემეწიე, უკანასკნელათ წაიბუტბუტებს იგი და მთის მაღალ მწვერვალს აშტერდება..

იქ, იქ იმ მწვერვალზეა მისი უკანასკნელი იმედი.. მას გონია, იქიდან გადახედავს არეს, დაინახავს ქალაქს და იგძნობს იდეის სიახლოვეს... .

ზეზე დგება... .

გაუდგება გზას.

და მიდის მაღლა.

მიდის იგი და ფეხი უტდება.. ძირს ეცემა. ჭყორისა და შკერის ფოთლები პირისახეზე ელამუნება და ჰირისახე ეწვის.

მწვერვალი-კი ჯერ შორს არი. მიდის იგი. ეხევა ქალამნები.

ეკლებმა დაუსერეს კანჭები, მარა იგი მაინც სულ ზევით მიიწევს, მიიწევს ღიღინით..

დღეს იგი პირველათ ღიღინებს, მას შემდეგ, რაც იდესი წავიდა.

დიდხანს მიდის იგი. სისხლი დადის ხელებში, ნაფლეთებათ ექცა, კლდეებზე ხოხიალით, ტანსაცმელი.

მარა იგი მიდის... .

თლად უცახცახებს სხეული... მარა იგი არ კრთება..

აი, ახლოს, სულ ახლოს არი მწვერვალი. ერთს ამოიღიღინებს იგი და მწვერვალის თავზე ჩდება.

შეჩერდება.

მარა საშინელი კივილი ამოსკდება გულიდან.

და იგი ძირს დაეშობა..

შტერდება. მის წინ უფრო მაღალი მთის თხემები არის ამართული..

სული შეეხუთვის.

იგი მიხვდება, რა მთის თხემების მიერ შეწყობილ გალიაში ზის!!

მიხვდება და ქვითინებს... .

დიღხანს ქვითინებს... მისთვის უკანასკნელი იმედის კარი მიიხურა. მარა მისი ტრფობა უფრო მწველი შეიქნა.

იგი აფთარივით ეშვება ძირისკენ..

აი, იგი თავის საყვარელ ცაცხვთან არის.

თვალს მოავლებს იმ სიბს, რომელზეც იჯდა ხოლმე, მისი ოცნება - მისი „წყლის ქალი“.

სიბზე ჯდება.

მღინარის ლოცვას ყურს უგდებს.

და ცრემლი დაბა-ღუბით ჩამოდის.

უცფე, შეკრთება. მან თვალი მოკრა ცაცხვზე დაკიდებულ ბადეს!! მიდის, თავის ბადესაც იქვე კიდებს.

იღიმება ცეტი. ცრემლებს შვა იღიმება.

ცრემლი დის და, თან იღიმება ისე, როგორც მზე ანათებს და ამ ღროს, მზის სხივთა შორის ჩაქსოვილი წვიმაცა სცრის.

— აწი აღარ ვიბადავებ.. შენც იშოვი, ცაცხვო, მეორე ბადეს.. ჩემსავით, ობოლო ბადევ, შენ-კი მეგობარი გაგიჩდება.

ღიმი, ღიმი შეუთამაშებს ტუჩებზე, ცრემლი, ცრემლი დის ლოყვებზე.

— მე ვნახავ, ვნახავ იმას- იდესს. ვნახავ ჩემს გოგონას..

და მორევს აშტერდება...

მოწყდება სევდა-სიხარულის ცრემლი, სახე უბწყინდება, თვალეში დაუბნელობა...

წამი და, იგი მორევში კისრით გადაეშვება...

წაიბუტბუტებს მორევი...

დაიკვნესებს ცელქი ტალღები.

გარს შემოეკვრის იგი, რგოლებივით, ცეტის ობოლ გვამს, დაუკოცნის სევდით სავსე ტანს

და მეტის აღერსით გულში ჩაიკრავს, სამუდამოთ შეაჩერებს მის გულის ცემას და უსულო სხეულს, მორვის ფსკერზე უხმოთ დაასვენებს...

დაასვენებს, დაუკულოლებს შავ-გიშერა თმას და აღერსით კოცნას დაუწყებს დახუჭულ თვალეებს, კიდევ - თფილ ტუჩებს.

და მოუთხრობს ზღაპარს, ზღაპარს იმ საოცნებო წყლის ასულზე, რომელიც ცეტიმ პირველათ, ქვაზე მჯდომი, აქ მორვის პირას იხილა, რომელმაც დაკოდა მისი გული და ზღაპრათ აქცია მისი ცხოვრება.

ვინ იცის, შეიძლება, ოდესმე კიდევ ეწვიოს იგი ასული აქაურობას.

ნახოს მორევი მობუტბუტე—ცეტი-კი—ვერა, როცა იგი ფიქრში წასული ამ მორვის ტალღებს დააშტერდება, მაშინ ის ტალღანი მას მოუთხრობენ ცეტის ამბავს, ცეტის დაღუპვას...

ვინ იცის, შეიძლება, ამ ღროს ასულმა ცრემლებიც დაღვაროს!..

შეიძლება, გულიანათაც გადიკისკისოს.

ვინ იცის?..

მარა, ტალღები მას მაინც მოუთხრობენ ცეტის ცხოვრების სევდიან ზღაპარს, მაინც გაახსენებენ იმ ბავშურ ხანას, როცა პირველი სიყვარულის ლეგენდა მისთვის ცხოვრებათ იქცა და ეს ცხოვრება-კი მოჩვენებათ, რომელიც ყველას გვავიწყდება, მარა ყოველთვის გვახსოვს.

ღია ჩიანელი.

ტირიფი.

ტბის პირათ იდგა ტირიფი, მტირალა, თვალცრემლიანი, ძირს გადმოხრილი შტოებით, ლურჯ ფოთლებ ხუჭუჭ თმიანი; ჩაცქერდა ტბისა სარკესა, ტიროდა, ყრუთ ქვითინებდა, იდგა უძრავათ, ქარი, თუ არ ქროდა, არ სისინებდა...

და, როცა იგი მძლავრ ფთებით იწყებდა ბერვა-ქროლასა, მაშინ საზღვარი არ ქონდა მის ცახცახ-რხევა თრთოლასა.

თმა აბურბგენილი საშიშრათ ყოველმხრივ იღვენთებოდა, შეწყვეტდა ცრემლთა ფრქვევასა, ქარს მედგრათ ეომებოდა;

ვით გმირი, რაზმსა მტრისასა, ქარს ფთებს შტოებით უჭრიდა,
მარტოკა მდგარი ველზედა სტიქიონს ქედს არ უხრიდა...
რა ჩადგებოდა ქარი და გამეფებოდა ღუმელი,
ტირიფი იღვა უძრავათ, ჩაცქერდა ტბას დაღვრემილი,
ღამით ნაფრქვევი ცრემლები ტანზე მძივებათ ასხმული,
ცისკრის ჟამს ვეცხლებ ელავდენ, მზის ოქროს ძაფზე აცმული...
და ამ ცრემლებში მოკრთოდა რაღაც ტბილ სევდის სინაზე,
ჩემ დაბა-ლუპით ცვივოდა ლურჯი ტბის სპეკალ მინაზე.
რიჟრაჟზე მიველ ტირიფთან, ცრემლებში რო პრიალობდა,
მესმა, ფოთოლთა შრიალში, ასე მღეროდა, გალობდა:
„მიწის შვილი ვარ, შავ მიწის, მის მკერდზე დაბადებული,
ძუძუთ ცრემლები მაწოვა, მწარ ფიქრით შედედებული,
ნანათ მესმოდა გლოვის ხმა, წყლულ გულის გამომახილი,
მომხიბლა ჩუმმა სევდამა, ვისმენ მის მკერდზე დახრილი...
ერთხელ, დაქროლა გრიგალმა, თმა ამიწეწა ძალზედა,
გადამარხია, და იქვე, მიწის ცრემლ-ტბისა წყალზედა,
ჩემ სახეს თვალი მოვკარი, მის გულში გამოხატულსა,
ავხსენი ტანჯვის მიზეზი, რაც აწუხებდა ჩემ სულსა:
მე ჩემი სევდა ვიხილე, გული სიამით გაშუქთა,
ვჭრეტდი წარმტაცათ აღბეჭდილს და ტანჯვა შემისუბუქდა...
ქეის აღარ ვუხრი, მას შემდეგ, ქარიშხალს, რისხვით მონაქროლს,
რიჟრაჟზე შვების ცრემლებს ვღვრი, მზიურ ღიმილით ანათრთოლს...
ვიშ!.. ნეტარება ყოფილა ხილვა შენივე წყლულისა,
სრულ-ქმნილის, ნახატ-შემკულის, აღბეჭდილ—ხორცშესხმულისა.
ი. სიხარულიძე.

„ტზა.“ *)

მოქმედება მეოთხე.

(კეთილადის გაპარტიებული ეზო; მოხანს ისლით და-
ხურული პატარა ფაშა, რომლის პარმანში აკვანთან
ზის ქეთო და ბავშს ნანინას უმღერის).

ქეთო. — ნანინააააი ნანაშიო, ნანინაი ნა-
ნაშიო, ნანინააააი. (მძინარე ბავშს პირსახუ-
რავს გადააძრობს და ცოტა ხანს სახეზე დაც-
ქერის) იძინე, იძინე, გენაცვალოს შენი გაძა-
ღლებული ნენაი! (პაუზა). ღმერთო დიდებუ-
ლო, რა დაგიშავე მე უბედურმა, ღმერთო,
რა დაგიშავე, რო სიკვდილის ღირსიც არ გამ-
ხადე? უფალო, გეხვეწები, მაკმარე ამდენი ტან-
ჯვა, მიიბარე აი ჩემი ტანჯული სული! (ჩაღუ-
ნავს თავს და ტირის. ფაცხიდან გამოდის ნი-

ნო და სიმიდინი ტომარი გამოაქვს).

ნინო. — ციციავ, ნუ გამიწყალე გული, მაი-
შენი ფლიკვინით, ნუ გამიწყალე, თვარა საში-
ნელ საქმეს მაქნიე. მაცოცხლე ორი დღეი
კიდემ. აფერი გიჭირს. ტირილს და მოთქმას
რო რამე შეეძლოს, დღეს ჩვენისანაი მოსახლე
ერთიც არ უნდა იყოს ჩვენ სოფელში (ტო-
მარას ბაწრით თავს მოუკრავს).

ქეთო. — წისქვილზე მე წავალ, ოჯო, მე!
ნინო. — წისქვილზე წასვლას არავინ გეხვე-
წება, მეც კი წვევთრევი, უკეთესია სახლში
იყავი და მაგ ბალანას მოუაჯე! ეგება, მარი-
ნაი მევიდეს და ბალანას შეულოცოს. დილას
კი დამპირდა, თუ არ მომატყუა. (გზაზე გა-
მოჩდება გადამხდიელი).

გადამხდიელი. — (აღაგზე მოადგება). შეადღე
მშვიდობისა, ნინო! აბა, ფულები, თუ ქალი

*) იხ. „ცხოვრება“, № 17—18.

ხარ, ფულიები, რამდენია შენზე? ხუთი მანათი და სამი აბაზი.

ნინო—(მიუვა მასთან) რას ამბობ, სილიბიტრო, მაგას? რა ამბავია, აწი ხუთი მანათი და სამი აბაზი?

გადამხდელი—ასეა, ჩემო დედავ და რას იხამ? ორი მანათი დრამის ფულია, დანარჩენი ხაზინის და მასწივლებლების.

ნინო.—კი, მარა ღმერთი არაა თქვენთან, თუ რა ამბავია, სიდან ვიშოვო ამდენი. ფული, სიდან? იგი, აბა, დღეს მამასისხლათ ვინღვე ერთი ბათმანი სიმიდლი!

გადამხდელი.—მაი ჩემი საქმე არაა, ნინო, —ვისაც რაი აქვს შეწერილი, იმდონს ვახლვევიებ, არც მეტს, არც ნაკლებს.

ნინო.—(გულმოსული) არაა და, რაც ვინღათ, იი ქენით! ხუთი მანათი-კი არა, ხუთი კაპეიკის შოვა არ შემიძლია!

გადამხდელი.—მე-კი გითხარი, ჩამო დედავ და აწი შენ იცი. ხვალ, თუ ფული არ დაგინხვედრებია მოვალ და, რაც ხელში მომხვდება, ყველაფერს კანცელოარიზე ჩავალაგებ (მიდის).

ნინო.—(გაანჩხლებული) ჩაალაგებ-კი არა ფეხსაც ვერ ჩამოამიჯებ ეზოში, ფეხსაც!, აი თქვენ უღმერთოებო, თქვენა! რაღა მაქვს, რო წეილოთ? ველარ ხედავთ ქვ მანც, ჩემი ოჯახის მუშაკაცი ერთი მიწაშია და შგორე ცოცხალია, თუ მკვდარი, არ ვიცი? მერე, სულ თქვენი გულობიზა, თქვენი!

გადამხდელი.—(შეჩერდება) ღმერთმა—კი იცის, ნინო, მეცოდები, მარა, რა ვქნა, დედავ? მე თვითონ აფერი მაქვს და შენ, რა უნდა დაგეხმარო? (ნინო გამობრუნდება).

ნინო.—(თავისთვის) აი, ღმერთო დიდებულო, შენ გააოხრე და გააპარტახე მავათი ოჯახი, რავაც ჩემი ოჯახია, ისე! მაშინ-კი მიხვდებიან, რავაი კაი საშონელია ხუთი მანათები. (ზურგზე ტომარს მოიგდებს. ქეთოს) ქუთით იყავ, ცავ, ქუთით. მე წისქვილზე ჩვეთორევი, თუ ჩავაწიე, იქიდან ჩვენ ღუქანზე გამევიარ, ეგება, თედორე ვნახო, იმან, თუ მიშოვა კიდევ ორი გროში, თვარა მეტი საშველი აღარ მაქვს. (მიდის, ქეთო აკვანს თავს

დაადებს, ჩუმათ ტირის, კოტა ხნის შემდეგ, გზაზე გამოჩდება მარინე).

მარინე.—(ალაგედან) ქეთო, ცავ, ძალლი ხომ არაა ვინმეის მაქანე? არ დამქამოს, ქალავ (ქეთო წამოდგება, მარინე დაინახავს.)

ქეთო.—მობძანდი, მარინე, მობძანდი! არა კაცის ძალლი არაა, ნუ გეშინია (შეეგებება.)

მარინე.—რავაა, ცავ, ბალანაი, ძინავს?

ქეთო.—ძინავს, შენი ჭირიმე. ღვთის და თქვენი წყალობით, ჯერ ქი მყავს გვარიანათ, მარა რაცხა, მარინე, ფერი ჩეტეტკვა და ხან და ხან ძილშიც აბორგებ; ძღმუსაც არ წოვს ხეირიანათ. არ ვიცი, რა მემართება, მე უბედურს. (ჯორკოს დაუდგამს) დაბძანდი, მარინე, დაბძანდი.

მარინე.—(აკვანთან დაჯდება, ბავშს პირსახურავს გადააძრობს და სახეზე დახედავს) რა მარგალიტი ბალანაი გყავს. ცავ, რომ იცოდე, რო გეიზდება, წორეთ მაგისანაი ბიჭი ჩვენს მუხუროში არ იქნება.

ქეთო.—ღმერთმა კაი იმედი მოგცეს, ჩემო მარინე, შენც გაგიზარდოს ღმერთმა და მოგასწროს შენი შვილები. აბა, შენ იცი, მარინე, შენი ჭირიმე, რავა ერთგულათ შეულოცავ მაგ ბალანას, —სამავიეროთ, იმსახურე ჩემი თავი.

მარინე.—შელოცვა რა უნდა იყოს, ბეჩა, მაგას რავა დავამადლი თვალნაკრავს-კი გავს, მარა, ნუ გეშინია. რაქვია ამ ბალანას, ქიღამაიწყდა

ქეთო. გოგლი, შენი ჭირიმე!
მარინე.—(ბავშს ჯვარის სახეს გადაწერს და ულოცავს): სახელითა ღვთისა, მამისა, ძისა, სულისა წმიდისა. შეგილოცავ თვალ-ყვისასა, შინა გარე კაცისასა, ბრძენისა, რეგვენისა, სტუმრისა, მასპინძლისა, ტან-დაბალისა, თეთრისა, თეთრფეროვნისა, შავისა, შავგრიმანისა. ეგერ მოვა შავი წყალი, იმას მოაქვს შავი გველი, ჩავკარ შავი ოცვარჯენი, აპოვილე შავი გველი, დავდევი შავ ქვაზე, დავასხმიე შავი შხამი. ქვა სკდებოდა, ქვა ქრებოდა, წყალდებოდა, ქარდებოდა. ამ გოგლის ავი თვალით შემხედვარე გადიარა მთაზე, თავი და რა ქვაზე, მუცელი სამართებელზე (ამთქნარებს, სულს უბერავს) ქარსა და ნიავს გაყვეს გოგლას სატკივარი. (სამჯერ განიძეორებს. ქეთოს) მოგიჩინეს მამა ღმერთი და სულიწმიდა.

ქეთო. ღმერთმა შენი თავი მიცოცხლოს, ჩემო მარინე. ოი ღვთის მშობელო, შენ ღუფსე და ღუუყენე თვალები, ვინც აი ბალანაი გამითვალა.

მარინე.—ნუ გეშინია, ქალო, აფერი უჭირს, თუ ნათვალავია, აი ლოცვა, უსათუოდ, მოუხდება. ისე ქალავ რავე, ყველგან რომ აპწი-ღლებ ამ ბალანას, ვათვალავენ, აბა, რას იზამენ!

ქეთო.—რა ვქნა, შენ გენაცვალე, მარინე, რაფერ მევიცილო, რაფერ, თვარა მიწა გამისკდება, რავე დავანახვეფ ვისმეს. (ცოტა პაუზა).

მარინე.—ჰე, რა გოგო იყავი, რა გოგო, შე უბედურო და რავე ტყულაი გეიფუქე თავი, ყველაი იმას ამბობდა-სიმონა კეთილადისანა გასათხუარი ქალი ჩვენ მუხუროში არ მეიძნებაო.. ჰე, ჰე, ჰე, აფერი გესმის? (ქეთო თავს ჩაღუნავს).

ქეთო.—ნუ გამახსენებ, შენი ჭირიმე, მარინე, ნუ, იმ ჩემი ცოდვით სავსეს! (ცოტა პაუზა. ამოოხვრით) ერთხანს ქი ამბობდენ ციხეშია დაჭერილიო და ახლა დიდი ხანია აფერი გამიგონია. (ჩუმათ ტირის).

მარინე.—ოი ღმერთო, შენ გადოუხადე იმას სამაგიერო, ამ ციცაის ასე გაუბედურებია! (ცოტა პაუზა). ისე მაინც რაფერ გაბრიყვდი, შე საწყალობელო, რაფერ, როჯვარის დაწერამდი თავი დაანებე იმ წყეულს? მეც ქი გამოვცადე ქალიშვილობა, მარა მაგნაირი აფერი ჩამიდენია,—თავი-კი არ მომიჯაყავს. კაცებს რა ენადვლებათ, ქალავ, რას კარქავენ, ჩვენ უნდა ვიკითხოთ, თვარა? სინამდი გაუთხოვარი ვიყავი, ჩემი შვილები ნუ მომიკვდებო, ისე მეჭრა თავი, ისე, რავაც სავსე ჭიქა. არ მგარშიყებოდენ, თუ? იმდენი სიკეთე მე და ჩემ ქმარ-შვილს, რამდენი ახალგაზდა მე დამეწვას და დამეხრაკოს. ჰე, რაც იყო, იყო ქალავ. წამხლარ საქმეს ვეფერი ვერ გამოაკეთებს.

ქეთო.—(ტირილის ხმით). რომ იცოდე, მარინე, რა უბედური ქალი ვარ, ცოტა მაინც-კი შემიცოდებდი. ათასჯერ მინდოდა წყალში გადავარდნა. ათასჯერ, მარა ამ ბალანაის საცოდაობამ დამაკავა. რა ვეყო, ვის დოუტიო, თვარა დღესვე გადავარდებოდი წყალში.

მარინე.—პირ-ჯვარი გაღიწერე, ქალავ,

პირ-ჯვარი და ჭკუით იყავი. აფერი თავის მოსაკლავი არ გაქ. იმფერი აფერი გიქნია, რაც სხვას არ დამართოდეს. ოქროსავით ბალანაი გყავს, გაზარდე და გიპატრონებს. (ცოტა პაუზა). ჰე, ჰე, ჰე... კაი დამართოს უფალმა ღმერთმა და მშვიდობით დააბრუნოს სახლში, მარა ისე გერმანეს ბრალი კია ყველაფერი. ცხონებული სიმონა კეთილადე გადაყვა და გადააწყდა მას. თითოკაპეიკობით სესხულობდა მისთვის და ისე ზდიდა. იმან-კი ასე დოუმახსოვრა. მიატია ოჯახი, დედა, დი და გალიკარქა საცხა. მაი ღმერთმა ნასწავლს-კი არა, უსწავლს ნუ დამართოს. გასათხუარ ქალს რო პატრონობა უნდოდა, რავე, მაი იმან რეიზა არ იცოდა? სხვებიც ქი არიან ნასწავლნი, მარა სახლ-კარი-კი არ გოუოხრებიათ. აი, ჩენი თედორე ნასწავლიც კია და ყველაფერი, მარა კი არსა გადაკარქულა. ღმერთმა იმისანაი ჩემი შვილები გამეიყვანოს, იი რომაა; თავისთვისაც კარგია და სოფლიზაც. აი, ესო და სასოფლო ღუქანიო, ეს ბანკიო, ეს ქალების კლასიო, ბიჭია-ბიჭი, რო ქვია იმისანაი, ქალი ითხუა და, აბა, იმისანაი ჭკვიანი და ნასწავლი ქალი დედა-მიწაზე არ მეიძებნება. ჰე, კაცმა რო მკითხოს, უკეთესია ზოგიერთი შვილი მეყანეთ გაზარდო, მეყანეთ, თვარა თუ ყურსი გაათავებე და პროფესორი გამევიდა, მშვიდობით, დედ-მამასაც დევიწყებს, მტერსა და მოყვარეს (პაუზა). ჰო, იი მინდოდა მეკითხა: როის ათაგებს, ნეტაი, აი გერმანე, იი ციმბრია, თუ რალაცა დასალუპავი?

ქეთო.—რა ვიცი, შენი ჭირიმე. გუშხამ ნენამ გამეითვალა და ორი წელიწადი კიდემ უკლიაო. ისე, საკალანდოთ რო თამრომ წერილი მიიღო აპოდან, იმაში წერია, რო გერმანე შეიძლება ადრე დაბრუნდეს სახლშიო. ცოტა ავთ ყოფილა, მისი ჭირიმე და კანკასიაში უთხოვია დაბრუნება. რაცხა მანიფესტი ყოფილა და ცოტას იგიც შევლის, თურმე.

მარინე.—აი, ღმერთმა ქნას, ღმერთმა მოწყალემ და მალე დააბრუნოს სახლში! ისე მაინც, რა ჩეილია, ნეტაი, იმისანაი, რო ასე გადაკარქეს? ახალთაობაში სხვებიც ქი ერინენ, მარა ქი არიან სახლში.

ქეთო.—რაიო, შენი ჭირიმე, მარინე და რაცხაი ფინთი წიგნები უნახესო, მთავრობის საწინააღმდეგო.

მარინე.—აი, აი, რაღა ტყულათ დოუღუპია თავი! ვითამ რაღა, რეიზა შეინახა იმ საწყალობელმა იმფერი წიგნები, რეიზა? ახლა-კი ის წავლიდა ქე მინც ჰკუას. თედორესავით რო ყოფილიყო სოფელში, მაი ხომ არ დეემართებოდა? ოჯო, და რაფერ იქნებოდა სოფელში, რაღა მწერლობა არ იკადრა, თურმე და ღლუბერანტარობა არაფერ მიცა. (პაუზა) ყველაფერი-ყველაფერია, მარა ჩიტის წველა არ მიკვირს ისე, აი თამარას საქმე, რო მაკვირებს. რომ აღარ თხოვდება მაი ქალი რაღა, ნეტაი, ასე გაგიყვებით უყვარს გერმანე? რაღა დევი ჯერო მაი, რომ ასე უყვარდეს? ოჯო და გერმანეს რომ ასე ყვარებოდა არც-კი დატიებდა. არა, თამროს-კი უნდა უყვარდეს, თვარა შე შენ გეტყვი, ქმარს ვერ იშოვის, თუ რაი? აზნაუშვილის ქალი მაია, ნასწავლი და გაზდილი. მარა, აი ახალთაობა, რომ იყო, მერე, ქალებიც-კი შეიპრიკა და კაცებიც. ქალი სიყვარულით უნდა წაყვეს ქმარსო. მე და ჩემს ქმარმა ჯვარის დაწერამდი არც-კი ვიცოდით, რა ხილი იყო სიყვარული. მარა ჯვარი რო დევიწერეთ, მერე, კიდევ შეგვიყვარდა ერთმანეთი და კიდევ ყველაფერი (ცოტა პაუზა). ჰე, იღბალია, იღბალი ყველაფერი ერთხანს ძალიანს-კი ჯახრობდა გოჯასპირაი, მარა რო ვეფერი გახდა, მერე, მანაც დაჰრა ბაწარი. თამროს, თურმე, პირდაპირ უთქვამს გოჯასპირაიზა, თუ გერმანეს არ წავეყვი, სხვას ქვეყანაზე არავის წავეყვებო.

ქეთო.—მისი ჭირიმე, მისი! იი რომ არ გყავდეს, რა ეშველებოდა ჩვენ გაჭირებულ ოჯახს? ჯერ ღმერთი და, მერე, იგია ჩვენს დამხმარე.

მარინე.—ყველაფრით კაი ქალია, ყველაფრით, მარა მაგისანაი სიყვარულის რაცხა აფერი მესმის! (დაამთქნარებს, ადგება). ახლა კი წავალ სახლში, თვარა ვახშამი გოუქეთებელი დამრჩება. (ქეთოც წამოდგება).

ქეთო!—ძალიანი მადლობელი ვარ, მარო

ნე. ღმერთმა სამაგიერო პატივისცემა შენთვის გადამახდევინოს.

მარინე.—რის მადლობელი, ქალავ, რა გაგიკეთე? (მიდის. ქეთო ალაგემდის მიაცილებს და უკანვე დაბრუნდება).

ქეთო.—(მიუჯდება აკვანს და ბავშს დაცქერის). იძინე, იძინე, გენაცვალოს ჩემი თავი, ღმერთი მოსპობს და მოასირსვალებს, ვინც შენი თავი გამითვალა! (გზაზე გამოჩნდება თამრო).

თამრო.—(გაფითრებულია. გზიდან). ქეთო, ქეთო, გერმანე მოდის, დაო, გერმანე!

ქეთო.—(წამოვარდება და თამროსკენ გარბის, ალტაცებით) ნენაია, ნენა, რას მეუბნები, მაგას, თამრო, სადაა მისი ჭირიმე, მიჩვენე, სადა? ღმერთო, რა კაი დღეი გაგვიტენე დღეს! (უნდა გაქცევა, მარა თამრო აკავებს).

თამრო.—მოიცა, დაო, მოიცა! გერმანე ავამყოფი მოყავთ, ძალიან ავამყოფი! წუხელობის შვადამეზე შეეტყო თედორეს, გერმანეს გამოსვლა და მაშინვე ურმით წასულიყო სადგურზე. მე მაშინ გავიგე, როცა ჩვენ ეზოსთან გამოარონიეს. არც წერილი და არც დეპეშა აპოსგან არ მიმიღია... (შორიდან ურმის კრიჭინი მოისმის) აჰა, საცაა მოიყვანებენ კიდევ! აბა, ახლა ლოგინი, ქეთო, ლოგინი დავუგოთ!

ქეთო.—(შეშინებული) ნენაია, რა ვქნა, აწი? თამრო, გენაცვალე, მითხარი, რა დაემართა, ნეტაი, მისი ჭირიმე? ღმერთო, ნუ გვიზამ საშინელ საქმეს! (ფაცხაში შერბიან. ცოტა ხნის შემდეგ, თამრო გამოვრბის და მათ შესაგებებლათ გარბის. შემდეგ, გამოვრბის ქეთო, ხელში ცოცხი უკავია, ალაგესთან მიიბრუნს, გაიხდაეს, შემდეგ, გამოვრბუნდება და აკვანთან მიიბრუნს. ჩუმათ ბავშს). გოგლი, გენაცვალე, ბიძიე მევიდა, შენი ბიძია! (უცეფ გაფითრდება). რაფერ შევხედო! რა, რაფუთხრა?! ღმერთო!.. როგორ შევხედო... მე სამიწემ... როგორ?! (იქვე ჩაიკეცება და მწარეთ ქვითინებს, ურმის კრიჭინი თანდათან ახლოვდება. გამოჩნდება თამრო. მოვრბის).

თამრო.—(გზიდან) ქეთო, ხო მხათაა ყვეფერი? (მიუახლოვდება) რა დაგემართა, დაი-

კო, რა გატირებს? (ხელს მოკიდებს და ააყენებს) სსუ, სსუ, გენაცვალე,—ნუ ტირი, თორე გერმანეზე ცუდათ იმოქმედებს!

ქეთო.—(ტირილით). მითხარი, თამრო, შენი ჭირიმე, მითხარი, რავექნა. მე მიწა გასახეთქელმა, რაფერ შევხდე, რაფუთხრა, მითხარი?!

ქეთო.—(მოფერებით)დამშვიდდი, გენაცვალე, მან ყველაფერი იცის. თედორეს ყველაფერი უთქვამს მისთვის,—განა გერმანე თვითონ ვერ მიხვდება, რო შენ ცამდი მართალი ხარ? (შეყავს ფაცხაში. მოისმის მეურმის ხმა: „მოო, ხი!“ გამოჩდება ფერმკთალი, ავთომყოფი გერმანე დიდ სახამთრო პალატოში გახეული. მხრებში პეტრე და თედორე უღგანან, ივანეს რაღაც ნივთები ფაცხაში შეაქვს, გერმანეს ხშირ-ხშირათ ახველებს).

გერმანე.—(ალაგესთან შეჩერდება, წუხილით.) მოიცათ, ძმანებო... მინდა ჩავისუნთქო ეს ჰაერი... მინდა გადავხედო ჩემს ეზოს... სახლ-კარს. ოხ, როგორ გაპარტახებულა ყველაფერი? სად არი ჩემი სახლი?... სად არის ის ეზო, რომელიც დავტოვე?... როგორ გაოხრებულა ყველაფერი? (ფაცხიდან გამორბიან თამრო და ქეთო).

სანდრა გურული.

(დასასრული იქნება.)

ნ. ბარათაშვილის

ნაშთის გადმოსვენების გამო.

ძნელი წარმოსადგენია, რა მდგომარეობაში ყოფილა ჩვენი საზოგადოება და მისი გონებრივი ავლა-დიდება იმ დროს, როცა ჩვენი სახელოვანი მგოსანი, ნ. ბარათაშვილი გარდაიცვალა. მაშინდელმა ჩვენმა მოწინავე პირებმა ინდენი გამჭირახობა, მამულიშვილობა და სიყვარული ვერ გამოიჩინეს ძვირფასი მგოსნისადმი, რო მისი გვამი განჯიდან სამშობლოში გადმოსვენებიათ. ამ სახით, ასრულდა მგოსნის გულის მწყველელი წინაგძობა, რომელიც მან ასე გამოთქვა:

„ნუ დავიმარხო ჩემსა მამულში, ჩემთა წინაპართ საფლავებ შორის!

ნუ დამიტიროს სატრფომ გულისა, ნულა დამეცეს ცრემლი მწუხარის,—
შავი ყორანი გამითხრის საფლავს,
მდგლოთა შორის ტიალის მინდვრის
და ქარიშხალი ძვალთა შეთენილთა ზარით,
ღრიალით, მიწას მომაყრის!
ჩემთა ნათესავთ, გლოვისა ნაცვლად,
მივაღალეებენ სვავნი მყივარნი“.

სამოც წელიწადზე მეტი გავიდა მგოსნის გარდაცვალების შემდეგ და მხოლოდ მაშინ იგძნო ჩვენმა საზოგადოებამ უკედავი მგოსნის ნაშთის გადმოსვენების საჭიროება. ეს საკითხი პირველათ აღიძრა წ. კ. გ. საზოგადოების მართველებაში. მმართველობამ საჭიროთ ცნა ბარათაშვილებს (მგო ნის ნათესავებს) ეთხოვათ უმაღლეს მთავრობისთვის, რო მას ნება მიეცა მათთვის ნაშთის გადმოსვენებისა განჯიდან თფილიში. საქმის წარმოებამ დიდხანს ვასტანა და მხოლოდ 1893 წ. დაბოლოვდა ეს საქმე. წ. კ. გ. საზოგადოება შეუდგა საქმის სისრულეში მოყვანას: გამოაცხადა გაზეთებში, დანიშნა გადმოსვენების დრო და მოამზადა ყველაფერი, რაც საჭირო იყო. როცა ეს ამბავი გაიგო ხალხმა, საქართველოს ყველა ქალაქებსა და დაბებში იწყეს მზადება და დეპუტატების არჩევა, რომლებიც უნდა ჩამოსულიყვენ თფილისში, დანიშნულ დღისთვის, რო ღირსეულათ მიგებებოდენ უკედავი მგოსნის ნაშთის გადმოსვენების დროს.

განჯაში გამგზავრება, ნაშთის პოვნა და გადმოსვენება წ. კ. გ. საზოგადოების გამგეობამ მიანდო სამ პირს: პოლკ. გ. ორბელიანს, ალ. ჭყონიას და მე. საღამოს ჟამი იყო, როცა განჯაში ჩავედით. ო. გ. ორბელიანმა ინახულა განჯის გუბერნატორი და გამოუცხადა ჩვენი ჩასვლის მიზანი. მეორე დღეს, ღლით, მივედით გელტისის გალავანში, სადაც დასაფლავებული იყო მგოსანი. ახლა პირველი ჩვენი საზრუნველი ის იყო, რო გვენახა სწორეთ ის ადგილი, სადაც მგოსანი იყო დასაფლავებული და საიდანც საფლავის პატარა მარმარილოს ქვა აეღოთ და ეკლესიაში შეენახათ. ხოლო ამის მიზეზათ ის გამხდარიყო, რომ ეკლესიის გალავანში შემოზღუდული არ ყოფი-

ლა და ხალხს სასაფლაოვზე პატარა სასიარულო გზა გაეკეთებია. ბილიკი, თითქმის საფლაოვზე გადადიოდა. ამიტომაც, ღვდელს ქვა აედო და ეკლესიაში შეეტანა. ღვდელმა გვიჩვენა სწორეთ ის ადგილი, საიდანაც აედო ქვა. შემდეგ ამისა, ნაქირავებმა მუშებმა იწყეს საფლაოვის გათხრა. გალავანში დიდძალი ხალხი შეიკრიბა. ყველანი მოუთმელნლათ მოველოდით მუშაობის შედეგს. დიდი შრომის შემდეგ, წავატყდით კუბოს და იმედი მოგვეცა, რომ სასურველი საფლავი ვიპოვეთ. მარა კუბოში აღმოჩნდა აფიცრის გვამი. ჩვენ წინათვე ვიცოდით, რომ განჯის სასაფლაოვზე მგოსნის ახლობელი ნათესავი აფიცერი იყო დამარხული. ამოვიღეთ კუბო და განვაგძეთ მიწის გათხრა. მარა უფრო ფართოდ და ორთავ მხრით, რათგანც იმედი მოგვეცა, რომ მგოსნის საფლავიც იქვე გვერდით უნდა ყოფილიყო. მარა, რათგან მგოსნის საფლავის ძებნა დიდხანს ვაგძელდა, რფილი-სში განსვენებული ილ. ჭავჭავაძის სახელობე ღებეშა გავგზავნეთ და ეს ამბავი ვაცნობეთ.

სალამოს ხუთი საათი იქნებოდა, როცა გამოჩნდა მეორე საფლავი. კუბოს ფიცრები უფრო დაზიანებული იყო. ამოვწმინდეთ საფლავი, გავშინჯეთ გულმოდგინეთ და დავრწმუნდით, რომ ის იყო ნამდვილათ მგოსნის საფლავი, რათგანც განსვენებული შესაფერი ფორმის ტანისამოსში ყოფილა დამარხული და სერთუკის საყელო თვისი სირმებით კარგათ იყო დაცული. გარდა ამისა, გავშინჯეთ დასაფლავებულის ფეხის ძვლები, რომლებსაც დაზიანების ნიშნები ეტყობოდა. ამოვიღეთ ყველაფერი, რაც საფლავში ვიპოვეთ და ჩავაწყვეთ შენეირ კუბოში, რომელიც თან წავიღეთ თფილისიდან. შემდეგ ამისა, მუხლი მოვიყარეთ და მოწიწებით ვემთხვიეთ კუბოს. საფლავის პოვნა დაუყონებლივ ვაცნობეთ ღებეშით თფილისში.

ღვდელმა გადიხადა მცირე პანაშვიდი და, შემდეგ, კუბო შესაძლო პატივისცემით გადმოვიტანეთ რკინის გზის სადგურზე, შევიტანეთ საკუთარ სამგლოვიაროთ მორთულ ვაგონში და დანიშნულ დროს წამოვედით.

როცა მეორე ღღეს, დილით თფილისის სადგურს მივუახლოვდით, დავინახეთ, რომ თელი შიდამო გაქედლი იყო ხალხით—ქალით

და კაცით. გაჩერდა მატარებელი... ამ დროს ხალხმა მუხლი მოიყარა. წინ მოგვეგებენ განსვენებულნი ილ. ჭავჭავაძე, აკაკი და სხვა საპატიონი. ასწიეს კუბო და გამოიტანეს სადგურის წინ მიდგათ. აქ საღვდელოებამ მცირე პანაშვიდი გადიხადა, შემდეგ, კუბო წაასვენეს მანდილოსნებმა და ქალიშვილებმა დიდუბის ეკლესიაში. წირვისა და დასაფლავების დროს, ბევრი შესანიშნავი სიტყვა იყო წარმოთქმული.

ამ სახით შეასრულა ჩვენმა ხალხმა თვისი საღვთო ვალდებულება უკვდავი მგოსნის—ნ. ბარათაშვილის ნაშთის წინაშე.

გ. იოსელიანი.

სხვა და სხვა ამბავი.

ედისონს ახალი მანქანა გამოუგონია. ამ მანქანის შემწობით, თურმე, ისეთს ელექტრონის კედლებს უშვებენ, რომლის გადაღმა გადასვლა ყოვლათ შეუძლებელია. და, თუ ვინმე გაბედა გადაბიჯება დედამიწიო, თუ ჰაერით, უმაღლესი ხდება. ედისონს გამოუგონია აგრეთვე ელექტრონის ყუმბარები, რომლის შემწობით ვერც ერთი ჰაერობლანი, რაც უნდა მაღლა არ იყოს წასული, ვერ უძლებს. ედისონის აზრით, ასეთი გამოგონება ომს მოსპობსო. ედისონს გარდაწყვეტილი აქვს, ეს გამოგონება, ომის გათავების შემდეგ, გამოაქვეყნოს.

გერმანეთს ნეიტრალ სახელმწიფოებში თავის ელჩებისთვის შემდეგი ზავის პირობები გაუგზავნია: დაპრობილ ბელგეთს და საფრ.ნგეთს ვათავისუფლებთ, ხოლო გერმანეთს აფრიკაში თვისი კოლონიები დაუბრუნდესო. სულ სხვა მოთხოვნილებაა რუსეთისადმი: მას უხდა ჩამოართვას ლიტვა, კურლიანდია, მდ. ვისლას მხარის გუბერნიები და დაარსოს პოლონეთის სამეფო, რომელიც, სამხედროს მხრით, დამოკიდებული იქნება გერმანეთზე. ამ რიგათ, გერმანეთის ზავის პროექტი მხოლოდოთ რუსეთის დაქუცმაცებას ცთილობს.

„კიოლნიშეკაიტუნგ“-ი გადმოგვცემს: გერმ-

ანეთის კანცლერმა, მოკავშირეთა მიერ უილსონის წინადადებაზე უარის განცხადების გამო, თქვა: „გერმანეთი სრული სიმშვიდით ელის მოკავშირეთა ნაბიჯს. მან შეკუმშული მუშტი გაშალა და მტრებს გაუწოდა. მარა, თუ—კი მოპირდაპირენი გაწვდილ ხელს არ ჩამოართმევენ, თვითონვე იქნებიან შედეგის პასუხისმგებელნი. მათ კვლავ უნდა აირჩიონ, ომი უნდათ, თუ ზავი“.

საახალწლო ნუმერში გერმანულ გაზეთებს გაუცხადებიათ: თუ სხვა გზა არ დაგვჩა, ვიძმობლებთ იმ დრომდი, ვიდრე თელ ძალღონისგან არ დავიცლებითო!

19 დეკემბერს, პეტროვის ხიდთან, წყალში ნახეს გრიგოლ რასპუტინის გვამი. მას ორი ქრილობა აქვს: გულზე და შუბლზე. სახე დამახინჯებულია, ფეხები თოკით არი შეკრული, საზამთრო ქურქს ნახევარი საყელო მოგლეჯილი აქვს. გვამი უბრალო კუბოში ჩადვეს და ჯანდარმთა გაძლიერებული რაზმი გააყოღეს.

თავადი ევგენი ტრუბეცკოი „რუსკოე სლოგოში“ ამტკიცებს, რომ გამოსვლა დღეინდელ სასურსათოკრი ზისიდან მხოლოდ ფართო რეკვიზიციით შეიძლება. ტრუბეცკოის აზრით, სუსტია საბუთები უკიდურესი კონსერვატორებისა, რომელთაც სახელმწიფოს შეჭრა ეკანონომიურ ურთიერთობაში სოციალიზმის გამარჯვებათ მიაჩნიათ. სოციალიზმის ნაწილობრივი განორციელება თავად ტრუბეცკოის პატრიოტულ ვალათ მიაჩნია. მინინის ლოზუნგი: „დავაგირავოთ ჩვენი ცოლები და შეიღებო“, — ავტორს უაღრეს სოციალისტურ ლოზუნგათ მიაჩნია.

მწერალი ია ეკალაძე ამ მოკლე ხანში გამოაქვეყნებს ახალ 5 მოქმედებიან დრამას, მოძრაობის დროიდან. დრამის უმთავრესი მოქმედი იქნება ერთი უდიდესი ქართველთაგანი და მის მარჯვნივ და მარცხნივ მდგომი ქართველი ინტელიგენცია.

კრიტიკა.

ნიკოლოზ ბარათაშვილი და მისი დრო*

დამქროლა ქარმან სასტიკან,
თან წარმიტაცა ყვავილი...
ნ. ბარათაშვილი.

(წერილი პირველი**)

მე XIX საუკუნის პირველ ნახევარში ახალი ქართული პოეზია, იმდენათ თვალსაჩინოთ გაიზარდა, რომ თავისუფლათ, თამამათ წამოაყენა ნიჭითა და კაცთ-მოყვარე გძნობებით სავსე პოეტი, ნიკოლოზ ბარათაშვილი.

ეს ამბავი დიდი ყურათღების ღირსია და აქვე მსურს ავნიშნო ის აშკარა და დაუფარავი გარემოება, რომ მეცხრამეტე საუკუნის ჩვენი

*) 1896 და 1897 წ. წ. ჟურნალ „კვალში“ ისტამბუბოდა ჩემი კრიტიკული განხილვა ნ. ბარათაშვილის ლირიკისა. მარა მაშინ დაუსტამბავი დამჩა, „მიზეზისა გამო სხვისა და სხვისა“, უკანასკნელი, მეოთხე წერილი, სადაც განხილულია პოემა „ბედი ქართლისა“.

დღეს, რაკი საჭიროებამაც მოიტანა, გვსურს ჟურნალ „ცხოვრების“ პატივცემულ მკითხველებს წარვუდგინოთ სრულიათ დამთავრებული წერილები, თავიდანვე ამ დიად მგოსანზე.

აუტ.

**) ქართ. შ. წ.-კით. გამავრც. საზოგადოების მიერ ნ. ბარათაშვილის ლექსების გამოცემას, დიდიხანია, ვუცდიდით და შარშან, როგორც იქნა, ველირსეთ იმის დამთავრებას. ჟურნალ „კვალში“ (№№ 45 48, 1895 წ.) დასტამბული იყო ბიბლიოგრაფული განხილვა ამ გამოცემისა და უმთავრესი შეცთომებიც ნაჩვენები გახლდათ. ასე რომ, ამ მხრით, ჩვენ სათქმელიც აღარა გვაქს რა. ჩვენც სასწუხაროთ დაგვირჩა, რომ ბ-ნ ი. მეუნარგიას ნაშრომი „ცხოვრება და პოეზია ნ. ბარათაშვილისა“ ამ გამოცემაში არ არი მოქცეული.

საზოგადოთ, ამ ბოლო დროს, ნიკოლოზ ბარათაშვილმა მიიპყრო დიდი ყურათღება და მისმა პოეზიამ აღძრა მხოველი ინტერესი ჩვენ საზოგადოებასა და ლიტერატურაში, მაგალითად, ბ. ბ. ვეზირიშვილმა და, —მა ზოგადი სიტყვებით დაახასიათეს ბარათაშვილის პოეზია. მარა ამ პატივცემულმა პირებმა სერიოზული კვლევა, განხილვა, ძიება და ახსნა ნ. ბარათაშვილის ლირიკის განსაკუთრებულ, ორგინალურ თვისებათა და თვით მგოსნის შეხედულებისა, აშკარათ უკუაგდეს. ნაცვლათ ამისა, იგინი იმეორებენ რუსეთში იმა სჯერ გამოთქმულ სიტყვებს და პოეზიის გამოძვირებით და უტყუარ ნიშნებს, რომელნიც იმდენა

ახალი პოეზიის ფორმა და შინაარსი მხოლოდ წმინდა ლირიკულია. ლირიკა, პოეზიის სხვა ფორმასთან შედარებით, არა თუ პირველ ადგილსა და ზე-გავლენას იკერს, არამედ გასაკუთრებულ მხოლოდობით მოვლინებას წარმოადგენს მაშინდელ პოეტთა აზრისა და გმობების გამოხატავათ. ეს ამბავი ცხოვრებისა და დროის ნიშანია და ამპირმშო შეილზე ორიოდ სიტყვის თქმა უადგილოთ არ მიგვაჩნია.

მოგვხსენებათ, ლირიკულ პოეზიაში ადამიანის ყურათღებას იზიდავს და უტკობს შას სმენას მხოლოდთ ის მარტივათ, ძალ-დაუტანებლათ გამოთქმული, გულწრფელათ და ღრმათ გემოხატული გმობა, რომლიც წარმოუშობავს და გამოუწვევია სამოქმედოთ თვით მგოსნის სულოსა და გულში უტყვი ბუნების, თუ ცხოვრების რომელსამე მოვლინებას, ამბავს. და აქაც, უპირატებობა მხოლოდთ გმობის ჩაბეჭდილების მარტივათ მიღებას და შეთვისებას როდი უჭირავს.

საქმე ის არი, რო მგოსანი თვით აღნიშნულ ჩაბეჭდილებას და გმობებს თვისი სა-

სიათებენ და აფასებენ ბარათაშვილის პოეზიას, რამდენათაც ყველა, რომელი და ვინც გინდათ აიღოთ, პოეტის ნაწარმოები. ლირიკა-ტრფობა-სიყვარული ქალისა, მეგობრისა, ბუნებისა, სიშვენიერისა, სამშობლო ქვეყნისადმი,—ერთი მიბძანეთ,—ვისი პოეზია გინდა, რომ არ დახასიათდეს ამ საზოგადო ნიშნებით, არ მოთავსდეს ამ „ახალ მოდის“ უსაზღვრო და ბუნდოვან „კრიტიკის“ ფორმულების ფარგალში, რომელშიაც თითოულ მგოსანს შეაქვს თვისი წვლილი. თქვენი შრომა, ვითარცა კრიტიკოსისა, მხოლოდთ იმაში მდგომარეობს, რომ ამ ფორმულებს პოეტის ნაწარმოებიდან ლექსები ამორჩევით შეუფარდოთ და... მორჩა.

ზემო დასახელებული კრიტიკოსებიც ასე იქცევიან, ზოლო უკანასკნელი იმათგანი, მ-ნი: ვერ ითმენს და თავის საკუთარ ფილოსოფიასაც უმატებს: „დღევანდელი სპირიტობა, ბუღიზმობა, გრაფი ტოლსტოის „სულის კვეთება“, ის ამბავი, რომ ამერიკაში სადღაც ბავში დაბადებულა და ღიდი და პატარა მირბის იმის თავყანის საცემლათ და ბევრი სხვა ამისთანა, განა იმას არ მოწმობს, რომ დღეინდლამდე ყოფილს ბინას ადამიანის მყურდობისას (!!) ფუძე დაქტრა და თვით თალიც (!!) მთელის შენობისა გაირღვა და ლამის გადმოქცევას?! („ივერია“, №77, 1892 წ. ავტორის მართლწერას ხელუხლებლათ ვტოვებთ. ხომ-ლი.) აბა, მკთხველო ხომ უყურებ, თურმე, რა ამბებია ქვეყნიერობაზე!..

ავტორი.

კუთარი ბუნების შინაგანი, სულიერი ძალებით, ისე ძლიერათ ამუშავებს, არკვევს და თვისი ჩანგის მომხიბვლელათ ერთი ძლიერი-ჩამოკვრით გამოხატავს, რო მეორე პირის, მსმენელის, თუ მკითხველის გულშიაც სწორეთ შესაბამს, შესაფერ გმობებს წარმოშობავს და გააცხოველებს. მაგალითად, სიცოცხლის მომგვრელი, მაისის დილის მოჩუადოებელი სიშვენიერის და მალალი მთის ბორცვებიდან გაფენილი, ზურმუხტის ფერ მიდორ-ველის ცქერით დატკობა; ზღვაში მომკურავ გემის მალლა ბანიდან წარმტაცი ზვირთთა დუღილით, ქაფის უცნაურათ ტრიალით თვალ მოუშორებლივ გართობა და უძვირფასესი არსების, ჳირისა და ლხინის შვაზე გამყოფი მეგობრის სიყვარული ბევრს, ძლიერ ბევრს შეუძლია. მარა ბევრს-კი არა, ძლიერ ცოტას, მხოლოდთ რამდენსამე რჩეულს შეუძლია ამ ჩაბეჭდილებათა და გმობათა თავის საკუთარ გულსა და მკერდში, სისხლათ და ზორცათ ღრმათ შეგება, ძლიერათ დამუშავება და იმათი ისეთნაირათ გამოხატვა და გადაქმნა, რო სხვებსაც, სხვა პირებსაც აგმობინონ გამოთქმული გმობის ძლიერება და თვისება. აი, სწორეთ აქ არი თელი შინაარსი, თელი ძალღონე და პათოსიც ლირიკული პოეზიისა.

მაშასადამე, თუ მგოსანი ისეთი ლექსის ძლიერებით ჩამოასხამს და გამოხატავს სულიერი მდგომარეობის დაფარულ ხმებს, სახელდობ ვთქვათ, მწუხარებას, თუ მხიარულებას, რო მკითხველსაც აგმობიებს და გაავებიებს ამ მწუხარებას, ან მხიარულების ძალღონეს, ზედ მოქმედებას—ამით ლირიკოსი, ჩვენი აზრით, სრულიათ ასრულებს თვისი მაღლიანი მუზის დანიშნულებას და მოწოდებას. ამ მხრით, ლირიკა თითქმის მუსიკით ხმების გამოთქმას უდრის და მასაც მუსიკასავით ადამიანის გულის სიღრმიდან სულის შემგუბებელი, ან გამამხიარულებელი სიტყვები ამოაქვს.

მარა ამ საგანს მგოსანი მხოლოდთ ორი გზით მიწვდება. სახელდობ იმით, რო გამოთქვამს, გამოხატავს ასეთი, თუ ისეთი ფორმით მარტო იმ გმობას, იმ სულიერ მდგომარეობას, რომელიც მის გულ-მკერდს ცეცხლის ალივით

შემოხვევია, ქენჯნის და ადელეგებს, ან დახატავს, ძლიერი ლექსებით გადმოგვცემს იმ ამბებს, იმ მოვლინებას, რომელიც გარე-შემორტყმულ ბუნებასა, თუ ცხოვრებაში მომხდარა და თვით პოეტის საკუთარი სულიერ აგებულებასა და მდგომარებაზე თვალსაჩინოთ უმოქმედია. აქ მგასანი—ლირიკოსი დაწერს ძლიერი გძნობით ჩამოსხმულს, გულის სიღრმიდან ამოღებულ ლექსს, რომლის თელი შინაარსი, სიღრმე სიგანე, შოთასი არ იყოს, მხოლოდ მთავრად ითქმის და მეტად მარტივი, სულ უბრალო სიტყვით გამოიხატება. და ეს მგასნის მიერ საკუთარი სისხლით და ორი-სამი სიტყვით ჩამოსხმული გძნობა, ისეთი ძლიერი და ამაჟროლობელი კილოთი და მუსიკით იქნება გამოხატული, რომ მკითხველი მოიკვითება, აღიძვრის და ძალღუნებურადაც ამ გძნობას დაემორჩილება...

აქ უნდა შევნიშნო, რომ ლირიკოსი იწვევს და ასახლოვებს თვით ცხოვრების, ფართე საზოგადების ასეთი, თუ ისეთი მდგომარეობა. ნიჭიერ ლირიკოსთა ამდღევარებულ გულის მაშინ მოედება ცეცხლის ალი და იწვის, როცა საზოგადოებას, ხალხს, ან ამ ხალხის რომელსავე კულტურულ ნაწილს არ შეუძლია, არ ძალ-უძს, „მიზეზისა გამო სხვისა და სხვისა“, ისაუბროს და იკამათოს ვარკვევით, ცხადად და გულ ახდილად იმ ღრმა, მნიშვნელოვან მოვლენებზე, რომელიც უხილავად იწვევენ და წარმოშობენ ხოლმე მათში ამა, თუ იმა გძნობებს და სულის მიზიდულებათა...

შესაძლებელია, რასაკვირველია, სხვა დროსაც, სრულიად მშვიდობიანს და ბედნიერი ცხოვრების ეამსაც გამოჩნდნ დიდი ნიჭის ლირიკოსები. გენიოსების, თვით არსი ნიჭის ლირიკოსთა წარმოშობა ისტორიის ფაქტია და ჩვენი საზოგადო აზრის გამოხატულების სიმართლეს და ქვეშაობებს არათუ არყევს, უფროც ამტკიცებს და აშკარავებს. რათქმაუნდა, ის უფრო შესაძლებელია, რომ სხვა დროს, ნიჭითა და შეძლებულობით სუსტი ლირიკოსები გამოვიდნ ფიტერატურაში. მარა ეს უკანასკნელნი ვადამეტებით და თითქმის ყოველთვის

ზემოთ აღნიშნულ დროში მოღვაწე სახელოვან ლირიკოსებს ბაძვენ, იმათი პოეზიის ტენიკურ მხარეს ითვისებენ და ბრმა ინერციის ძალით წინანდელთა ძლიერ ხმას და გძნობების გამოთქმას ბანს აძლევენ და ინსტინკტურად განაგძობენ.

მკითხველმა უნდა იცოდეს, რომ ეს გარემოება ლირიკული პოეზიის წარმატებას მაინცა და მაინც ვერაფერს აკლებს. ცხოვრების და გვართ ლირიკოსაც ეტყობა ზდა და თანდა-თანობით წარმატება. იმასაც ეტყობა თვისი შინაარსითა და ხასიათით კაცთა გძნობა-გონების გაფაქიზება და გაკეთილშობილება.

ლირიკულ ნაწარმოებთა შინაარსის უმთავრეს საფუძველს ადამიანთა გულის მზარულეობა და მწუხარება შეადგენს. რამდენათაც ცხოვრებაში იზდებოდა ადამიანისადმი თანაგძნობა, იმდენათ ლირიკაც მეტს ყურათღებას აქცევდა, უმთავრესათ, კაცის სულიერ მდგომარეობას: მწუხარებასა და მზარულეობას, გულით აღტაცებასა და ოხვრას. წინათ, ძველ დროში, ყოფილი ლირიკა, რომელიც მომეტებულათ ომებისა, ბძოლათა საშინელი დახატვით ართობდა ველური კაცის ინსტინკტებს, რომ შეედაროთ ახალი, ამ ჩვენი დროის ლირიკოს, სადაც სისხლისა და ადამიანთა ჟღერის მაგიერათ, იხატება ადამიანის სულის კეთილ-შობილური, გაწმენდილი მოძრაობანი, რომელიც მკითხველთა გძნობას ზდიან, ტვირთთამძიმეთა და მაშვრალთ მხსნელათ“—დავინახავთ, რომ კაცის აღსაზღვლათ ლირიკოსაც წარმატებით უვლია, ახალი სფერა მოუნახავს და ახალ ნიადაგზე დამღვარა. და, რამდენათაც გძნობა-გონებებს შეძლებულობით მძღავრათ მომქმედნი შებმულან ლიტერატურის სამოქალაქო დანიშნულების მძიმე უღელში და იღწიან ცხოვრებაში, იმდენათ იზდება, საზოგადოთ, აზრის-ნაყოფიერი ძღვევა-მოსილობა და კრიტიკის შეუზოვარს და ღრმა, პირუთენელ მსჯელობასაც აქ ფასი ეძღვევა. მარა, რა გაეწყობა, თუ ცხოვრება ყოველთვის ხელს არ უწყობდა ლირიკოს ღრმათ და მადლიანათ გაფართოებას და დიდ-სულოვან, სახელოვან მგოსნებსაც-კი „გულს უვსებდა წვეთ-წვეთად ნალევლით მწუხარებითა“. წყევლა-კრულით და შეჩვენებით იხსენებდენ იგინი ადამიანთა საღვურს, ქვეყნიერობას...

ინგლისში, მაგალითად, მე XVII საუკუნეში რევოლუციის ქირიშნის ჩაგარდნას, ლოდრკურათ მოყვა ცხოვრების არეულ-დარეული და გამოურკვეველი მდგომარეობა, რომელიც თავის მხრით, შველიდა და ხელს უწყობდა ისეთ მგოსანთა და მწერალთა გამოჩენას, რომელთაც მხოლოდ ჩაბეჭდილებასა და გძნობების ვარჯიშზე შეეჩერებიათ თვისი შემოქმედობითი ტალანტის ძალ-ღონე. თუმცა-კი, ყოველ ეჭვს გარეშეა, რომ ეს ვარჯიში საიდუმლოთ, ფარულათ უმზადებდა ვრცელ ნიადაგს XVIII საუკუნის ლიტერატურულს და თითქმის ფილოსოფიურ მოძრაობასაც. დიდი რევოლუციის ნაყოფიერ გრიგალს თლად ევროპაში პირველათ მოყვა რეაქცია, რომელმაც ლიტერატურას აზრი აუბნია ღ პირი წარსულისკენ მიუბრუნა... პირველ ხარისხოვან მგოსანთა შემოქმედობითი ტალანტის შეძლებულობა თელი თვისი თვისებითა და სიღრმით მალლა, ღრუბლებს ზევით, ავარდა და იქიდან ზიზღით დაუწყუ ყურება ბედკრულ კაცობრიობის ცხოვრების გავლილს გზას. პოლოს, რასაკვირველია, ეს გზის აქცევა და რეაქციაც არ დარჩენილა უმნიშვნელოთ და უსარგებლოთ, საზოგადოთ, აზრის ზღისა და წარმატებითის...

როგორც ინგლისში, ისე საფრანგეთშიაც ამ ღროს იბადებიან ისეთი ლირიკოსნი ღ სხვა ღ სხვა გვარი სწავლა-მოძღვრების მიმდევარი მწერლები, რომელნიც გძნობისა და შემოქმედობის ძალ-ღონით შექნილ სარწმუნოებაზე ცთილობდენ „სიკედილისა და ჯოჯოხეთის“ შვილთა ცხოვრების მომართვას... ესენიც განზე გადგომიან... უღვთოთა ზრახვასა სოფლისასა და განუსაზღვრელი ზიზღით უცქერიან სააქაო ცხოვრებას.

ეგვე ამბავი მოხდა გერმანიაში და გაძლიერდა, ნამეტურ მას შემდეგ, რაც ნაპოლეონ I აოხრებას გადურჩა ეს ქვეყანა და ეროვნული დამოუკიდებლობის და ადამიანური ღირსების დაცვის გძნობების ზეერთთა დაიწყეს ბძოლა და მოძრაობა. თუმცა უფრო შეუმჩნეველათ, მარა მაინც თითქმის

იგივე ამბავი მოყვა რუსეთში, ალექსანდრე I მეფობის ღროს და დეკაბრისტების მოძრაობას, როცა ლირიკულ გძნობაზე დამყარებული მაშინდელი თაობა ღროებით ამუშავდა და მალე დასუსტდა კიდევ...

ხომლელი.

(შემდეგი იქნება.)

მიმოხილვა.

I.

რალაც დიადი და საოცრებით სავსე ღროა თელი ქართლოსიანთა ერისთვის ეს უკანასკნელი ათი, თორმეტი წელიწადი, რომელმაც ფრიად ღრმა კვალი გაავლო ჩვენ ცხოვრებას.

არა ღროს, არც წარსულსა, არც აწმყო ისტორიაში არ ყოფილა ასეთი დიდი და მღიდარი, ნაყოფიერი ეპოქა ჩვენი ტურფა ქვეყნისა და ხალხისთვის და, ამიტომ, მას თელი ჩვენი გულის ყური უნდა ვათხოვოთ და ღრმათ ჩავუკვირდეთ ამ ღროის ვითარებას, გავიგოთ მისი დაფარული აზრი და ფილოსოფია.

II.

1904 წელს ატყდა რუსეთსა და იაპონეთს შორის დიადი ომი...

ამ ფაქტმა სწორეთ იგივე აზრის ხალხები ფეხზე დააყენა და ამოძრავა: ჩინეთი, ინდოეთი, სპარსეთი და ოსმალეთი. აი, ამ ომში ქართველობამაც მიიღო მხურვალე მონაწილობა და იგიც ძლიერათ ამოძრავდა...

ჯერ ეს საშინელი ომიც არ გათავებულყო და... შინ რუსეთსა და საქართველოს არე-მარეზე ძლიერათ იხეთქა, ასე წოდებულმა, გამათავისუფლებელმა მოძრაობამ, რომელსაც — ვიტყვი ოტტო ბაუერის სიტყვებით, ხასიათი ქონდა რეფორმაციისაც და დიდი

რევოლიუციისაც. ამ მოძრაობას დემოკრატია უნდა გაეთავისუფლებია საეკლესიო ავტორიტეტისგან და პოლიტიკური აბსოლიუტიზმისგან.

მარა... ეს დიდი მოძრაობაც საქვეყნოთ დამარცხდა. არ გამოვუდგებოთ აქ ამ მოძრაობის მიზეზების კვლევას. ამისთვის არც ადგილი გვაქვს, არც დრო.

ვიტყვი მხოლოდ, რომ ქართველი დემოკრატია ამ დამარცხებამ უფროც გამოაფხიზლა და აღესა. ქართველი დემოკრატია მოედგა მშობელი ქვეყნის არე—მარეს, გაიწია კასპიის ზღვის პირათ და ამ ზღვის იქით მდებარე ქვეყნებშიაც, სპარსეთისკენაც და კავკასიის ჩრდილოეთისკენაც, მოედგა შავი ზღვის ნაპირებსაც. ამავე დროს, საქართველო რკინის გზით შეუერთდა რუსეთს, სპარსეთსაც, დასავლეთის საქართველო და ქართლიც შეუერთდა მდიდარ კახეთს.

III

1883 წელს, ბაქოსკენ გაყვანილმა რკინის გზამ შავი ზღვა შეუერთა ხო კასპიის ზღვას. როგორც ეს გარემოება შეიქნა აღმოსავლეთისა და დასავლეთის დიდად დამაკავშირებელ გზათ და ხიდათ, სწორეთ ეგვევ ამბავი გამეორდა ახლაც. საშინელი ომიანობის წინათ, ჩვენი თვალის წინ, ქართველი ერის ფხიზელი შვილები, რომელთაც სიცოცხლის და დიდი სამერმისო ენერჯის ცეცხლი ამოძრავებდა, მხნეთ გაყვა—გამოყვა ამ გზებს და ამ დიდსა და ვრცელს არე—მარეზე მოფინა ქართული ენა, ქართული წიგნობრობა, მწერლობა, თეატრი, აღება—მიცემობა, მრეწველობა, ერთი სიტყვით, ქართული კულტურა.

ამ კულტურის ცოცხალი მატარებელია ქართული სულ ახალგაზდა ბურჟუაზია და პროლეტარიატი, რომელთა ინტერესების სულგძემათ სამსახური და ენერჯული მხარის დაჭერა შეადგენს ჩვენი ინტელიგენციის და მწერლობის მოღვაწეობას...

IV.

ატყდა ეს საშინელი, დიადი საერთაშორისო ომიც... უცილობელი ფაქტია, რომ დე-

მოკრატის, რომელიც ვაბმულია შეუსვენებლათ დიდათ დიდ სამუშაო საქმეში,

ამ უშველებელი ომიანობის წინა დღით, გახეთები ხმამალა ყვიროდენ, რომ ომი აუცილებელიაო და დემოკრატია-კი სრულიათ ინდეფერენტულათ, გულ აცრუებით შეყურებდა ამ ამბავს, თითქო მას არც შეეხება ეს ამბავიო.

ომიც, თითქო ზეციდან მესი ჩამოვარდაო, სრულიათ მოულოდნელათ მოხდა. ეს ამბავი ყველას გაუკვიდა. ყველამ პირი დაალო, რომ ასეთი უშველებელი ქარიშხალი, ასე მოულოდნელათ ამოვარდა და... შეიძრა ქვეყნიერებაც. მაშინვე წინასწარმეტყველებაც დაიწყეს. აი, სამს თვეში, ან დიდი, დიდი ექვს თვეში გათავდება ეს ომიო. მარა „გაპლუტდენ“ ეს რძე ნაწყენნი მეცნიერნიც... ის—კი არ იცოდენ ამ ფაქტობებმა, რომ ასეთი უშველებელი ერთმანეთზე დატაკება, როგორც ახლა ხდება, ჩვენი თვალის წინ, შესაძლებელია, ძალიან დიდ ხანსაც გასტანოს და, ვინ იცის, ქვეყნიერების კულტურაც-კი შეიწიროს... და ასეც ხდება.

საღდათობას თავდახწეული, ტყეთ გავარდნილი ყმაწვილკაცობა, ძალაუნებურათ ყაჩაღურ ცხოვრებას დაადგა და დაუწყა უპატრონო ქვეყნას ცარცვა და გლეჯა.

მარა ამ უშველებელი ომიანობის დროსვე მოხდა ერთი უშესანიშნავესი ამბავი, რომელმაც ძალიან გამოაფხიზლა ქართველობა, განურჩევლათ სარწმუნოებისა და მიმართულებისა.

V.

რუსეთის ხმაღმა დაიპყრო ძველი საქართველოს მიწა-წყალი, რომელიც ოთხი საუკუნე ოსმალეთს ეჭირა ხელში და მისამედი ქართველობა იქ მამადის რჯულს აღიარებდა. ჩვენთვის ძღმედი დაკარგული აქარა და ლაზისტანი, დღეს შემოგვიერთდა სულით და გულით და მზათ ვართ ერთმანეთის ქირი და ლხინი შვაზე გავიყოთ.

რუსეთის ხმაღმა დაიპყრო აზრუმის მხარე და თლათ ტრაპიზონის არე—მარენი. იმ წამსვე დაიწყეს რკინის გზის ლიანდაგის დაგება არზრუმისა და ტრაპიზონისკენ. ვლადიკავკაზის რკინის გზის ლიანდაგიდან გადმოატარეს ლიანდაგი აქითა მხარისკენ ტულაფსესთან და, ამნაირათ, მეორე რკინის გზის ლიანდაგით რუსეთი შეუერთდება ამიერ კავკასის რკინიგზას.

ამ რკინის გზებზე ქართველობა მოედვა სამუშაოთ და იქ, საცა დიდი ხანია, დავიწყებული იყო ქართული ენა, დღეს გესმით მკვდრე თით აღმდგარი ცოცხალი ქართული ენაც, ქართული მხიარული სიმღერა და გალობა, ქართული სიცილ—ხარხარი და გართობაც. თვალს არც—კი ჯერა ნახული და გაგონილი... ძველ ლაზისტანის ქალაქებსა და დაბებში იმართება ქართული წარმოდგენა, მაგალითად, ტრაპიზონში, იმერეთის გათქმული მეფის, სოლომონ II საფლავზე, წირვა და პანაშვიდი გადაინადეს და ქართული გალობა ატკობდა ყურთა სმენას. ამ ახლათ დაპყრობილ ქალაქების კენ მიდის ჩვენი ჟურნალ-გაზეთობა და დუღს და გადმოდის ქართველთა სიმკვირცხლე და გულუხვობა...

ქართველების ასეთი წარმატებითი მოძრაობა დიდათ საიმედო სიცოცხლის ნიშანი და ქართული მწერლობის წმიდა ვალდებულობაა, გაამხნეოს ქართველი კაცი, უჩვენოს მას ყოველიფერი სასარგებლო და ქვეყნისთვის გამოსადეგი საქმე, რო ჩვენმა მოძემ ფთა ღონიერათ გაშალოს, გული გაიმხნეოს და ცხოვრების პირობები გაიუმჯობესოს.

VI.

ბუნებას ჩვენი ქვეყანა ყოველიფრით ძლიან უხვათ დაუჯილდოებია. აქაური მიწის ნიადაგი მდიდარია და დიდათ ნაყოფიერი, რომელსაც რწყავენ უთვალავი გამრიელი თევზებით სავსე მდინარენი. აღმოსავლეთით და დასავლეთით არტყია თეთრი (კასპის) და შავი ზღვა. აქ ხარობს და ყვავის მრავალგვარი ჯიშის ყურძენი, ლეღვი, ბროწეული, კომში, ატამი, ზეთის ხილი, ლიმონი და ფორთოხალი, ყავის ხე და ჩაის ბუჩქი, ტყეთ იზღება ბზა და დაფნა. ამ მხრით, ჩვენი დალოცვილი ქვეყანა ინდოეთის და იტალიის ქვეყნებს წააგავს. მერე, რა სხვა და სხვაობის, რა კონტრასტობით შემკული ქვეყანაა ეს წარმტაცი, წმინდა ედემის მსგავსი ქვეყანა... აქ არი ადგილები, საცა თელი წლის განმავლობაში აუღებელი თოვლი ძევს, არის ალაგები, რომელნიც აფრიკის ქვიშიან მიდვრებს მოგაგონებთ.

ასეთი მრავალგვარობით, მრავალფეროვნობით აყვავებულ ქვეყნის შვაგულ მიწაშიაც გასაოცარი სიმდიდრე მარხია. აქ არი ნავთობის უმდიდრესი წყაროები, შავიქვის (მანგანუმის) უმდიდრესი მადნები თელ დედამიწის ზურგზე, ქვანახშირი და სპილენძი, რკინა, ოქრო და ვეცხლი, გიშერი და ტყვია, გოვირდი, ბარიტი, მთის სანთელი და მიწის ყაქი (აზბესტი), სინგური (სურიკი) და ოხრა, ათასნაირი სამკურნალო და მადნეული წყლებიც...

მტკვრის, რიონის, კოროხის და ენგურის მდიდარი ჭალები ისეთ ნიადაგს წარმოადგენს, სადაც შესაძლებელია უმაღლესი და უმდიდრესი ინტენსიური რაციონალური მეურნობის აყვავება, წმინდა ევროპული მუშაობის გაჩაღება.

ვინც ბძნულათ გადაავლებს თვალს ამ მდიდარ, კლასიკურ ქვეყანას, სადაც ჯადოსნურათ შეზავებულა ჰავა და ნიადაგი, სადაც მარხია აუარებელი სიმდიდრე და საგანძური, იგი, უეჭველია, გაიმსქვალემა იმ აზრით, რომ ასეთ ქვეყანაში უნდა ცხოვრობდეს უნიჭიერესი და უმდიდრესი, ყოველისფრად დაწინა-

ურებული ერი... და ქარფველი ერი, რომლის ზურგზე, ამდენი საუკუნის განმავლობაში, გადაიარა ათასმა ქართველი და დედამიწის უძლიერესმა ბარბაროსებმა, არ გატეხილა წელში და თავის ნიჭსა და დიდ სიმკვირცხლესაც იჩენს სწავლა განათლებაში და სიმდიდრის შეძენაშიაც და ჩვენ გულში გვიწევს გავს ცოცხალს იმედს, რომ მომავალი, მიუცილებლათ, ამ ერისა და მისი ჩამომავლობის...

VII.

ოცდა ათ წელიწადზე მეტია, რაც ჩვენ ქვეყანაში, ჩვენი თვალის წინ, აყვავდა სამი უმდიდრესი წარმოება: ნავთის, ქვანახშირის და შავი-ქვისა.

ნავთის წარმოებაში ქარველი კაცი, თითქმის არც ჩანდა სრულებით დღემდე. მარადღეს იქ, ბარე, ექვსი, თუ შვიდი ქართველი მილიონერია, რომელთა კაპიტალი სპარსეთის ჩრდილოეთშიაც ძლიერათ შეიჭრა...

ქვა ნახშირისმადნები ქართველი კაცისთვის დღეს, თითქმის დაკარგულია...

შავი-ქვის მადნებს უფრო უცხოელები დაეპატრონენ იმ თავითვე და ქართველი კაცი ერთიც ვერ გამოიღო ისეთი, რომ ამ მადნებით მილიონერი გამხდარიყო...

დღეს შავი-ქვის მდიდარი მადნები, რომელიც გერმანელებს ეჭირათ, მთავრობამ მათ ჩამოართვა და უნდა გაყიდოს. თუ ქართველი თავად-აზნაურობა (შავი-ქვის საბჭოს პეტროგრადში უარი უთხრეს) შეძლებს ამ თუთხმეტი მილიონის საღირალი სიმდიდრის შეძენას, მაშინ, დაწინაურებული ქართველი კაცების მეოხებით, ბევრი, ძალიან ბევრი სასარგებლო საქმეც გაკეთდება ჩვენში და ერთი ათადაც ქართველობა წელში გამავრდება ნივთიერი დოვლათით.

ერთ კაცს, დამეთანხმებით, რაც უნდა შორს გამჭვრეტი და გენიოსი იყოს იგი, არ შეუძლია ასეთ დიდ-დიდ საქმეებს და წარმოებას გაუძღვას. აქ, აუცილებლათ, საჭიროა შეერთებული მოქმედება, საერთო საშვალებით მუშაობა, სოლიდარულათ მუშაობა, რომ ერის მხნე, მომზადებული, ფხიზელი და ნიჭიერი

შვილები ჩაებათ ამისანა საქმეში. ამ საიმედო შვილების თაოსნობით, შევეცადოთ საქართველოში გაგამტკიცოთ უფრო შეერთებული, კოლექტიური შრომა და მოღვაწეობა.

აღესილი.

სოფლიო მეცნიერი და ჰუმანისტი ილია მეჩნიკოვი.

შარშან ზაფხულს, პარიზში გარდაიცვალა ჰუმანისტი — მეცნიერი, ილია მეჩნიკოვი. კაცობრიობამ დაკარგა მასში დიდებული მეცნიერი, უკეთილშობილესი ჰუმანისტი და საუკეთესო თვისი მეგობარი და მოამაგე.

როდესაც დიდებულ პიროვნებაზე ვლაპარაკობთ, ადამიანს უნებლიეთ გაახსენდება ის სამი სიტყვა, რომელიც ამოჭრილია ოგიუსტ კონტის ძეგლზე, რომელიც დგას სორბონის პირდაპირ: ოჯახი, სამშობლო, კაცობრიობა.

არიან ისეთნი, რომელთაც მხოლოდ თვისი ოჯახის ინტერესები ახსოვთ და ესმით, მათი ვალდებულობის შეგნება, გძნობები და ქირ — ვარამი მათ სახლის ბჭის — კარს არ გაცილებდა; ასეთი გძნობები მათი პირველი — ყოფილია, ზოოლოგიურია. მეორეთა სოფლმხედველობა — კი უფრო ძლიერია, გავითარებული და ფართო; ამათი გძნობა უფრო მაღალირსებისაა. მათში მშობლიურ გძნობებთან ერთად უკვე აღმოცენებულია უადრესი გძნობასიყვარული სამშობლოს და მშობელი ერისადმი. მათი მისწრეება სამშობლო ერის კეთილდღეობა და ბედნიერებაა, ცთილობენ სასარგებლონი იყვენ სამშობლოს გასაძლიერებლათ. ხოლო ორივე ეს გძნობა ოჯახის და სამშობლოს სიყვარულის და ვალდებულობისა უნდა იყოს ის ეტაპი, იმ კიდევ უფრო უმაღლეს სიყვარულისა და შეგნებისა, რომელიც უნდა იყოს ყოველ კულტურულ ადამიანში, — ეს არი გძნობა ხალხთა ერთობისა და ძმობისა, სიყვარული კაცობრიობისადმი.

არიან ისეთნი კურთხეულნი, ბუნებით დიდი ტალანტით აღბეჭდილი პიროვნებანი, რომლებიც თვისი დიადი ღვაწლით, შრომით და ღრმა გძნობებით შეიქმნებიან იმდენათ ძვირფასნი და საყვარელნი, რომ ბოლოს, იგო

ნი ეკუთვნის არა მარტო რომელიმე ერთს ერს, არამედ თელ განათლებულ კაცობრიობას.

ყოფილი ადვისის პროფესორი, დევნილი და გაძევებული რუსეთიდან, ილია მეჩნიკოვი გადადის პარიზში, სადაც მას დიდი თანაგძნობით იღებს თავის ინსტიტუტში გენიოსთა გენიოსი—პასტერი. აი, აქ, ამ სახელგანთქმულ ინსტიტუტში იწყება ახალი, ბწყინვალე ხანა მისი სამეცნიერო მოღვაწეობისა. აქიდან თელ ქვეყნიერებაზე ეფინება ახალ—ახალი უკვდავი მეცნიერული გამოკვლევანი. ახალმა სამშობლო—საფრანგეთმა ჯეროვანათ დააფასა თვისი ახალი—მამულიშვილი: ილია მეჩნიკოვი შეიქნა უსაყვარლეს და პოპულიარულ საფრანგეთის მოქალაქეთ, იგი შეიქნა სათაყვანებელ პირათ, რომლითაც ამაცობდა თელი საფრანგეთი.

დიდებული პასტერის შემდეგ, მეჩნიკოვი ინიშნება ინსტიტუტის ვიცე-დირექტორათ. მარა, ამავე დროს, შეგვიძლია ვთქვათ, რომ ეს დიდებული მეცნიერი ეკუთვნოდა არა მარტო თვის ახალ სამშობლოს, არამედ იგი, ამავე დროს, ისეთივე სათაყვანებელი და საყვარელი იყო ყოველი კულტურული ადამიანისთვის, ეროვნების განურჩევლათ. თელი განათლებული კაცობრიობა მას თვლიდა თავის მოამაგეთ. დიახ, ის იყო სოფლიო მოქალაქე.

შეუძლოთ თავს, კარგა ხანი იყო, რა გძნობდა. იგი ელოდებოდა ომის გათავებას, ოცნებობდა კვლავ თავის მკაცრ სამშობლო—რუსეთში დაბრუნებას. სულ იმას წუხდა, ამ ბოლო დროს, კერძოთ, რუსეთისთვის, რაც საჭირო იყო, იმდენი არა გამიკეთებია რაო.

ამ საშინელმა სოფლო ომმა, ამ გასაოცარმა სისხლის ღვრამ დიდათ ააღელვა ჩვენი ჰუმანისტი და სწორეთ ამ სოფლიო ზარმა და მწუხარებამ უფრო მოუახლოვა სიკვდილის ჟამი ჩვენ საერთო ძვირფას მეგობარს.

ილია მეჩნიკოვმა ჯერ კიდევ უკვდავ ჰყო თვისი სახელი, როდესაც გამოაქვეყნა

თვისი შესანიშნავი გამოკვლევანი მეცნიერების იმ დარგში, რომელსაც ზოოლოგია ქვია. მან და კოვალევსკიმ მკვიდრი საფუძველი ჩაუყარეს მეცნიერების სულ ახალ დარგს—ემბრიოლოგიას. თვისი მეცნიერული გამოკვლევებით მეჩნიკოვმა კიდევ უფრო ნათელ ჰყო და კიდევ უფრო მეტი მეცნიერული საფუძველი მიცა დიდებულ ჩარლზ დარვინის თეორიას.

მეორე ხანა მეცნიერული გამოკვლევათა იწყება პასტერის ინსტიტუტში, პარიზში. ეს გამოკვლევანი, განსაკუთრებით, მიმართულია ადამიანის ორგანიზმის საიდუმლოებათა ასახსნელათ. მართლაც, როგორც ბწყინვალე მზის სხივებმა, ისე გააშუქეს მრავალი ისეთი საკითხი მედიცინაში, რომლებიც ბურუსით და გაუგებრობით იყო აქამდე მოსილი. ადამიანის სხეულის ისეთი კუნძულები გააშუქა, ისეთი საიდუმლოებანი აგვიხსნა და გადაგვიშალა თვალწინ, რომლების გაგებას და მიხვედრას ელოდენ თელი საუკუნოები და რომლებსაც დასძლია ისეთი გენიის მქონებელმა, როგორც იყო ჩვენი მეცნიერი მეჩნიკოვი.

როდესაც მეჩნიკოვის მეცნიერულ გამოკვლევებზე ვბასობთ, არ შეგვიძლია არ მოვიხსენოთ მისი გენიალური, დღეს საყოველთაოდ მიღებული და აღიარებული, თეორია „ფაგოციტოზისა“*) ის თეორია, რომელმაც თელი ახალი ხანა შექნა მეცნიერაში და, კერძოთ მედიცინაში, ისეთი პერსპექტივები წამოაყენა, რომლების შედეგი ვანუზომელია.

ეს უკანასკნელი ოცი, ოცდა ხუთი წელიწადი ჩვენმა მეცნიერმა შექნა თელი რიგი ღრმა-მეცნიერული ხასიათის შრომისა, რომლებიც მიმართულია ადამიანის ტანჯვის და ვაების შესასუბუქებლათ. დევიზი ამ დიდებული მეცნიერისა იყო: მეცნიერება და მხოლოთ მეცნიერება შეუსუბუქებს ადამიანს ტანჯვას და ზნეობრივ უკმაყოფილებას, გაუძლიერებს მას სულიერ სისწორეს, გაამაგრებს მის, დღეს ასე დაძაბუნებულ, ფიზიკურ და

*) დაწვრილებით ამის შესახებ, შემდეგ, გვექნება ბაასი მკითხველთან.

ფიზიოლოგურ მხარეს სხეულისას, აარიდებს მას სხვადასხვა ავთომყოფობას, რომლებიც ასე ასუსტებენ სხეულს და, ბოლოს, დღეინდელი ადამიანის ასე შემოკლებული დღე-გძელობა და ხანმოკლეობა სიცოცხლისა შეიქნება უფრო ხან-გძლივი. ადამიანი ას წილიწადზე მეტს თუ არა, ასი წელიწადი ხო მანაც იცოცხლებს... დღეინდელი სიბერე, რომელიც ასე ნაადრევეა, რომ იგი უფრო ავთომყოფობას წააგავს, უფრო ნორმალური შეიქნება და არც ისე უძროოთ, ადრე დადგება ადამიანის სიცოცხლეში. საღ,—ხანგძლივი სიცოცხლის შემდეგ, უნდა დადგეს საღი, ნორმალური სიბერე, ადამიანი ისე გაძღე საღი სიცოცხლით, რო მასში აღმოცენდეს ინსტიკტი სიკვდილისა, რომელიც დღეს მასში არ არი. როდესაც ეს ინსტიკტი გაჩდება ჩვენში, ის შიში, ის საშინელი აჩდილი სიკვდილისა, რომელიც მუდამ ჟამს დვენის ადამიანს, მოისპობა და სიკვდილის მოლოდინიც დაკარგავს თავის საშინელებას. როგორც ადამიანი, თელი დღის მუშაობით დაღლილი, ელის ღამეს, რო მიეცეს ძილს, ისევე ადამიანიც ხანგძლივი საღი ცხოვრებით მოყირბებული—მოვლოდება სიკვდილს. ბედნიერებას ელოდეთ მეცნიერებისგანა, ამბობს ჩვენი დაუვიწყარი მოამაგე მეცნიერი. და ჩვენ გვწამს და გვეხსომება ეს დიადი სიტყვები დიდებული მასწავლებლისა.

დღეს, როდესაც მოწმენი ვართ ამ სარაკო მხეცუნი ხოცვა-ჟლეტისა, დღეს როდესაც ადამიანის სიცოცხლეს ყოველივე ღირებულიება დაეკარგა და ყოველი ჰუმანური გძნობები და სიყვარული მოყვასისადმი ტალახშია გასრესილი... ხედავთ ამას,სასოწარკვეთილების გძნობით იბოკება სული და გული, ყელში რალაც ისტერიული ბურთი გვჩება და გვახჩობს... და, აი, სწორეთ ამ დროს, როდესაც გახსენდებათ ილია მეჩნიკოვის სახელი, გულის შეება ეძოკვა, დროებით მაინც, თითქოს ამ საშინელ აუტანელ წყვდიადში სასოების შუქი შემოიკრება.

ექიმი ბადრიძე.

დასავლეთის სტუდენტობა.

I.

ის დიდი როლი, რომელიც საქვეყნოთ ითამაშა რუსეთის „დემოკრატიულ სტუდენტობამ“, გამათავისუფლებელ მოძრაობის დროს, ახალი მოვლინება როდია. ყველგან,საცა ბურჟუაზიას უხდებოდა ძველ ფეოდალურ ბიუროკრატიათან ბძოლა, სტუდენტობა ყოველთვის ავანგარდში იდგა და მუდმივ ასრულებდა პირველ პიონერის ვალდებულობას, რომელსაც დიდი ხალისით და ენტუზიაზმით არწამოებდა. აბა, ერთი მაგალითი მაინც დამისახელეთ, სტუდენტობას

არ გამოეჩინოს თვისი

„მე,“მე,დემოკრატიულ სტუდენტობისა...

ეს მხარეები ქონდა სტუდენტობის მოძრაობას, როგორც დამტკიცებითი ფუნქცია მისი ფსიქოლოგიისა.

ინტელეგენციას (ვექილები, მკურნალნი, მასწავლებლები, მწერლები და სხვა) თავის ფუნქციის შესასრულებლათ ექივრება თავისუფლება სიტყვისა, გადაცემისა, გასამართლებისა სწორეთ ისე, როგორც ბურჟუაზია თხოულობს მრეწველობის გაფართოებას, მოძრაობის თავისუფლებას. ასეთია ბძოლა სპეციალისტებისაც თავ-თავიანთ დარგებში...

ინტელეგენცია იდგა ბურჟუაზულ გამათავისუფლებელ მოძრაობის სათავეში და იბძოდა ამასთანვე თვისი პირდაპირი დანიშნულებისთვის, ნივთიერ ინტერესების გამტკიცებისთვის. მარა, როგორც-კი ბურჟუაზიამ იშოვა უფლება, როგორც-კი კონსტიტუციონალურ გარანტიამ მიიღო ერთგვარი გაშუქება, სტუდენტობა თავის-თავათ აღარ თამაშობდა იმ პოლიტიკურ როლს, რათვანც ინტელეგენციას ქონდა შეძლება დაეხატა ნათლად ხალხისთვის, თავისუფალ კონკურენციის სამეფოში ის, რასაც ამდენი ხანი სტუდენტობა ასრულებდა (იხ. С.Т. ВЪСТН. 1907).

სტუდენტობა იყო რევოლიუციონური, სანამდი ბურჟუაზია მოინათლებოდა, როგორც ასეთი და სტუდენტობა, იმდენათ ძლიერი

იყო ამ შემთხვევაში, რამდენადაც ბურჟუაზია სუსტათ გძნობდა თავის „მე“ს.

უკანასკნელი ოპოზიციონერი გამოსვლა სტუდენტებისა საფრანგეთში რესტავრაციის ეპოქას ეკუთვნის, როცა ბურჟუაზია თავიდან ბოლომდე „კორნობორსკის“ შეთქმელობაში შევიდა ნახევრათ ფეოდალურ მონარქიის წინააღმდეგ...და უნდა ავნიშო, რომ ამ მალულა, დაფარულ მოძრაობაში იღებდა მონაწილობას თელი ჯგუფი მაშინდელ სტუდენტობისა, როგორც ასეთი. საფრანგეთის მწერლობაში, არა ერთ და ორ რომანს შეხვდებით, სადა აწერილია სტუდენტობის მოძრაობა და მათი ხელმძღვანელობა, ორგანიზატორობა, ივლისის დიდარეულობებში.

ივლისის რევოლიუციის შემდეგ, როცა ბურჟუაზია დიდი უფლებით აღიჭურვა, საფრანგეთის სტუდენტობა, კერძოთ, როგორც სტუდენტობა, გამოვიდა მალულ მოძრაობიდან. კონსპირატულ წრეში, რომელიც დაარსებულ იყო 1836 წელს, წევრათ მრავალი ინტელიგენტი იყო, ხოლო, სამი და ოთხი წლის შემდეგ, ლურჯ ბლუზა მუშათა შორის, იშვიათად გამოიჭვრეტდა ინტელიგენტის ფიგურა. არ უნდა დაივიწყოთ ისიც, რომ საფრანგეთის სტუდენტობამ იკისრა უმთავრესი როლი, როლი პოლიტიკურათ საფრანგეთის გაძლიერებისა... გერმანიაში, სადა ჯერ კიდევ 19—ტე სუკ. პირველ ნახევარშიაც ძლიერი იყო, ოპოზიცია ძველი, ფეოდალური წესწყობილებისა და ბიურგერობას ღრმა ლეტარგიული ძილით ეძინა და, აი, ამ დროს, სტუდენტობას კისერზე დაწვა დიდი ისტორიული მისია, დაწვა მისია იმისა, რაც ითქვა და პრაქტიკულათ გარკვეული იყო საფრანგეთში. გერმანიის უნივერსიტეტები იყო პირველი ლამაზარი ბურჟუაზიული რევოლიუციისა. მაშინ, როდესაც ძველი ფეოდალური წეს-წყობილებით გერმანია დაყოფილი იყო რამდენიმე ნაწილათ და თითო ნაწილს განაგებდა თავადები და მამები, ან მანარქები აპეკუნობდენ თავიანთ ქვეშევრდომებს. აი, ამ დროს, სტუდენტები ჩუმათ ლელდებოდენ...ისინი მალე-

ლათ გერმანიის გაერთიანებაზე ფიქრობდენ და ქადაგებდენ. სტუდენტებს უნდოდა გერმანიის გაერთიანება (თელი ნაციონალურ ბაზრათ გამოეცხადებიათ) და თხოულობდენ თავისუფალ პოლიტიკურ დაწესებულებებს...

სტუდენტების მოძრაობა დაიწყო დიდი და შესანიშნავი მოძრაობით ვარტურგში, 1817 წ. და, მერე, გადავიდა პრიატ-ლოცენტ ფოლდენის აგიტაციით მისენის უნივერსიტეტში, სადა მიიღო ტერორის სახე. (კოცებუ მოკლა ზოილმა). მას შემდეგ, რაც გერმანულ „ბიურგერსტეში“ გააშუქა კლასიურმა თვით შეგნებამ, სტუდენტების მოძრაობა იღებდა უფრო და უფრო ფართო და ძლიერ ხასიათს. პირველ-ყოფილ „ბუხშენშავტების“ მაგიერ, რომელნიც აშკარათ მოქმედობდენ, აღმოჩნდა ახალი, კონსპირატული საზოგადოებანი და კავშირები, რომლის წევრები ხსნას მარტო ერთეულ რესპუბლიკაში ხედავდენ და ახლა უკვე გიმნასტიკით-კი არ ვარჯიშობდენ, არამედ თოფ-იარაღით. გერმანელ სტუდენტთა მოძრაობა პირდაპირ ბურჟუაზიულ ინტელიგენტურ სახელს ატარებდა, როდესაც ბიუხნერი ცდილობდა, რომ საკითხი პოლიტიკურიდან ეკანონიურ ნიადაგზე გადაეტანა. (იხ. ბიუხნერი прежде экономия, потомъ политика). და, ამიტომაც, მოაწყო საიდუმლო ორგანიზაციები, რომ გამოეშკარავეთ, „კომუნისტური რესპუბლიკა“. რომ ვთქვათ, სტუდენტობას, საზოგადოათ, არაფერიც ქონდა საწინააღმდეგო, რათგან თვით თავიანთ თავს ისინი კომუნისტებათ თვლიდენ. ხოლო როცა გაიგეს, რომ ასეთ წრეებში მოხელეებსაც მიეცათ ნება მონაწილობისა, სტუდენტობამ უარყო პროექტი ბიუხნერისა...

ერთხელ, კერძო ბაასის დროს, მუცკინი არწმუნებდა ვ. გიუგოს, რომ ერთად-ერთი მსხნელი გერმანიისა არი მხოლოთ და მხოლოთ დემოკრატიული სტუდენტობა, რასაკვირველია, „სანსკრიპტულ ენის“ საშვადიებით, ირონიულათ მიუგო ხუმარა გიუგომ.

40—იან წლებში გერმანიის ყოველ უბრალო უნივერსიტეტის ქალაქებში ხდებოდა საიდუმლო კრებები, რომელნიც პოლიციის

რეჟიმს ერთხელაც ვერ დაემალეობოდა. მარა ასეთი წანწალი დროთა სრბოლაში თან-და თან იზღებოდა და სტუდენტობა ხდება გოლიათი იმ დღისა, როცა დასრულდა დემოკრატიულ სტუდენტობის გულისნადები გერმანიის სხვა და სხვა ქალაქებში.

დადგა 1848 წლის მარტი... ბერლინის ქუჩები აივსო ბარიკადებით და, თუმცა უმეტესობა მოკლულთა რიცხვისა იყო მუშები, მარა სტუდენტობა აქტიურ მონაწილობას იღებდა, რომელმაც თვისი გაიტანა. რევოლიუციამ გაიმარჯვა: გაიტანეს თვისი სტუდენტებმა და მუშებმა. რევოლიუციონერთა გამარჯვების შემდეგ, როცა ფრიდრიხ ვილგელმ IV ეტლით უნივერსიტეტთან მიდიოდა, მას გადაელობა დეპუტაცია შეიარაღებულ სტუდენტობისა. მეფემ შეხედა დეპუტაციას, თავი ძირს დახარა და შემდეგი სიტყვებით მიუბრუნდა მას: „დღეინდელი დღე, ყმაწვილებო, დიდებული დღეა, დღე გადამწყვეტი ჩვენი მომავალისა.“

თქვენში იმალება დიდებული მომავალი და, როდესაც თქვენ ბოლოს დაუკვირდებით განვლილ ცხოვრებას, უეჭველია, გაგახსენდებათ ეს დღეც.“

მარა არ კმაროდა, არც ასეთი სიტყვები, არც ბერლინის სტუდენტთა გამარჯვება.

ამაზე უფრო გრანდიოზული როლი გამათავისუფლებელ მოძრაობაში ვენის სტუდენტობამ ითამაშა...

თავიდან მას ობსტრუქციისთვის არ მიუმართავს, რათგან დარწმუნებული იყო, რომ შვილობიანათ შეიძლებოდა გადაწყვეტილიყო კონფლიქტი ძველი და ახალი მოძრაობისა...

ამაში ღრმით დარწმუნებულ სტუდენტობამ პეტიცია მიართვა იმპერატორს. პეტიციის შინაარსია: 1) თავისუფლება ბეჭდისა, 2) სატყვისა, 3) თავისუფლება გადაცემისა და 4) სახალხო წარმომადგენლობა. ამას შემდეგ, გამოიჩინა, რომ ძველი მოძრაობის შეფერხება შეიძლება მხოლოდ ძალით.

მართლაც, სტუდენტობა გადავიდა მოძრაობაში. მან 48-წელს შექნა „თვალ-საჩინო აკადემიური ლეგიონი“.

აი, სწორეთ ამ დროს, ე. ი., 48-წლით თავდება პოლიტიკური როლი გერმანელ სტუდენტობისა.

ამას შემდეგ, ამბობს პროფესორი პაულსენი: „როგორც დიდებული ნაციონალური გამოცანები, ასე, თუ ისე გადაწყდა, რომ გერმანელი სტუდენტები არ გამოდიოდნენ პოლიტიკურ და საზოგადო არენაზე. ასეთი მდგომარეობაო, რომელსაც უმატებს შესანიშნავი პროფესორი, უნდა ვცნოთ პირდაპირ ნორმალურათ.“

II.

მე IX საუკუნის მეორე ნახევარში, ევროპის დასავლეთის უნივერსიტეტი თან-და-თან კარგავს თავის პირველ ყოფილ დემოკრატიულ ხასიათს და თან-და-თანობით ხდება იგი მონოპოლიათ ბურჟუაზულ წოდების.

ეს მეტამორფოზა, ჩემი აზრით, უფრო ნათლად მაშინ გამოჩნდება, როცა გერმანიის უმაღლეს სკოლის წესდებებს ათვლიერებ. მე IX-საუკუნის პირველ ნახევარში, გერმანიის უნივერსიტეტში კიდევ ბევრი იყო ღარიბები, ა. წ., „პაუპერები“ (უსახსროები).

უბრალო ღარიბ, დაბიო მოქალაქის ოჯახს შეეძლო თავისუფლათ გაეგზავნა თვისი შვილი უმაღლეს სასწავლებელში, რათგანც კურსი ორ წლიანი იყო და ახალგაზღობას შეეძლო, როგორმე გამოსულიყო დღიურათ უფასო სადილებით და კერძო გაკვეთილებით.

უმეტესობა ღირსშესანიშნავი მეცნიერებისა მე XIX-საუკუნის პირველ-ნახევარში წარმოიშვა ასეთ ღარიბ ოჯახებიდან. ამავე დროს, იყო ბევრი სტიპენდიები, რომლებითაც, რათგან უნდა, როგორც რუსეთში, ისე იქაც ნახევარი სტუდენტობა ამით ცხოვრობდა. აი, მაგ. ვენის უნივერსიტეტში, 1846 წელს 1719 მსმენელზე მოდიოდა 270 სტიპენდია. თავის შემადგენლობით, ძველ გერმანელ უნივერსიტეტს ნათელი დემოკრატიული ხასიათი ქონდა. აი, რასა წერს ერთ ერთ მაშინდელ ჟურნალში ერთი გერმანელი პროფესორი. „პროფესორიდან მოდიან, უფრო უმეტესათ, გლეხის —“

შვილები, გამოსულები დაბალ-კლასიდან, რომლებსაც მაშინდელი სწავლის მეთოდი უსუბუქებდა საქმეს და აძლევდა შეძლებას, მეტი ნაწილი ასეთ მასისა მოხვედროდა ამ უნივერსიტეტში.“

ვაჭივრება ვენის სტუდენტობაში საზღვარს აჭარბებდაო, შენიშნავს ერთი პრაფესორი. თითქმის თელი ვენის სტუდენტობა, ისე ხელ-მოკლე იყო, აღნიშნავს ბახი, რომ კვირაში ერთხელაც ვერ ემოენათ ფული, რომ ცხელი საქმლით კუჭი გავცხოველებია. თვე ისე გადიოდა, რომ სტუდენტობას ვხედავდი პურით და წყლით მკვებავსო. აი, ასეთი ღარიბები ცოდნას, ასე იძენდენ, ხოლო თელ თავის სიცოცხლეს და ცხოვრებას იკლებდენ. (იხ. Вахъ. Вѣнскій унив. въ XIX вѣкѣ).

ასეთი გამეფება დემოკრატიული მასისა, სტუდენტთა შორის, ამტკიცებს იმას, რომ იმათ მოძრაობაში 1848 წელს ითამაშეს დიდი და მთავარი როლი. მე XIX საუკ. მეორე ნახევარში, სხვილმა ბურჟუაზიამ დააჩქარა თავიანთ შვილების ცოდნის მონაპოლიზაცია. ყოველივე თვალთმაქცობა იხმარა მაშინდელმა გერმანიის სხვილმა ბურჟუაზიამ, რომ გადაეღობა წინ-სვლის გზა მოწინავე დემოკრატიულ მასისთვის და უმეტესათ-კი წვრილ ბურჟუაზიისთვის.

ამ მიზნით სწორეთ, გაფართოვდა არეზა გიმნაზიის პროგრამისა. ამ მიზნითვე გააფართოვეს და გააგძელეს უნივერსიტეტის კურსი. მატერიალურათ შებოჭილ მასას უძნელდებოდა ასეთ პირობებში გზის გაკვლევა და მეცნიერების უკანასკნელ საფეხურამდე მიღწევა.

შემდეგი ციფრებით ამტკიცებს ბონროდი პრუსიის უნივერსიტეტის სტუდენტთა კოლექციის შემადგენლობას 1887—1890. წ.

ვაჭრების, ბანკირების, სასტუმროს პატრონების და წვრილ მოვაჭრეთა შვილები იყო სულ	2.416 სული.
მრეწველების და ხელოსნების	1.981 „
თავისუფალ აგრონომების	1.613 „
მანტიეს, სხვილ მემამულეების	604 „

მკურნალოთა, მასწავლებლების და საღვდლოების	2.850 „
სახალხო მასწავლებლების	1.099 „
მუშების	12 „
დაბალ მოსამსახურეების	9 „

აი, ამ ციფრებიდან ჩანს, თუ როგორი მძლავრი იყო ბურჟუაზული ელემენტები უნივერსიტეტშიაც—კ... საქმარისია მივაქციოთ ყურათღება „ბუშენშავტების“ განვლილ რევოლიუციას.

როდესაც „ბუშენშავტები“ ფაქტიურათ ებძვიან „კორპორაციებს“, რომლებშიაც ბატონობს აზნაურობა და სხვილფეხა ბურჟუაზია, მათ უყვართ და ჩვევიათ კიდევ დღემდე ხაზგასმით უწოდონ თავიანთ-თავს „დემოკრატები“ და ერთ ხმათ აღიარებენ, რომ პირველი ხალხის მომხრე ისინია. თუმცა უნდა ვთქვა, რომ მათ შორის არც იმდენი გასხვავებაა.

თუ ოდესმე „ბუშენშავტები“ ბიურგერ-სტვოს ოპოზიციონური სულის მატარებლები იყვენ, მაგიერათ, ახლა პრაფესორი პაულსენის არ იყოს, ისინი წარმოადგენენ შერცხვენილ მასას, ჩაკეტილ სტუდენტების წრეს, ძველ პრინციპის გამთელელს, ხელო სხვა შემთხვევებში-კი, მაგ. ფორმალურ მხარეებში, თუ როგორ ეპყრობიან სტუდენტების წრეს, უნდა ვთქვა, პროფესორის ენით, რომ ისინი უანლოვდებოდენ „კორპორაციებს“, იმ „კორპორაციებს“, რომლების ძალით მათი პრინციპი და მიზანი შელახულ იქნა. იმ „კორპორაციებს“, რომლის მათრახებით რამდენიმე წელიწადი ზურგი ეწვოდათ, თელ დემოკრატიულ პრინციპის მექონე მასას. ბურჟუაზული შემადგენლობა თანამედროვე ევროპის დასავლეთის უნივერსიტეტისა წყვეტს წინდაწინ სტუდენტთა დამოკიდებულებას სოციალურ საკითხებთან, პროლეტარათა მოძრაობასთან.

ინგლისში, სადაც უნივერსიტეტი თითქმის მართო ბურჟუაზიისა, ლოლიკურათაც და ბუნებრივათაც ცხადია, რომ აქ სტუდენტობამ მეოთხე წოდებაზე რაიმე იფიქროს. მან არ იცის, მეოთხე წოდებას მათ-

სავით უნდა ჰქონდა — სმა, თუ არა... როდესაც ბაირ-გარდმა სტუდენტთა შორის, მოინდომა მუშათა პარტიის პროგრამის გავრცელება, შესწავლა და თვისი აზრიც გამოთქვა აუდიტორიაში, სტუდენტობამ ისეთი აურ-ზაური და ყვირილი ატეხა, რომ ის იძულებული იყო სიტყვა თავშივე შეეწყვიტა. საფრანგეთის სტუდენტობა, რომელ შორის, ბერანეს სიტყვით, ბევრი ინტელიგენტი პროლეტარი იყო, მართლაც, რომ არ უყურებდნენ ისე მტრულათ სოციალიზმს, როგორც ინგლისში, თუმცა პირველების დამოკიდებულებაც ცოტათი მოისუსტებდა. (იხ. *Интеллигентный пролетариатъ во Франціи*“).

როდესაც „კომუნარების ამნისტიის“ შემდეგ, მოგვიტორობს ლაფარგი (იხ. მისი *Интеллигенція и социализмъ*) ჩვენ, ვალონი, გედი და მე. ყველა გამოჩენილი სოციალისტებია). თავიდან შეუდექით სოციალიზმის პრაპაგანდას, ჩვენ გგეგონა, რომ ადვილათ შეიძლება ინტელიგენტურ პროლეტარიატის ჩათრევა მოძრაობაში და, ამიტომაც, დავესახლეთ ლათინთა უბანში. *) იქ ძლიერ დავიახლოვეთ რამდენიმე სტუდენტი სხვადასხვა ფაკულტეტისა. ხოლო თითზე ჩამოსათვლელი იყო სოციალიზმისთვის სამუშეოარი ყმაწვილები. ისინი, ამბობს ლაფარგი, ერთ და ორ დღეს, ძლიერ ერთობოდნენ ჩვენი იდეებით, ხოლო საკმარისი იყო პატარა ნიავეი, რომ ისინი გაქცეოდნენ ჩვენ პრაპაგანდას სამუდამოდ. დღესაც არი პარიზში „ჯგუფი სტუდენტების კოლექტივისტებისა“, რომელიც სტამბავს პრაკლამაციებს და აგიტაციონურ ლიტერატურას. მარა რაა მათი გავლენა სტუდენტობაზე? თლად ფუქი და უმნიშვნელო.

გერმანიაში ერთ დროს, სანამ ბისმარკის კანონები გამოიცემებოდა, სტუდენტობა ძლიერ ფართო ჩარჩოებით ეკედლებოდა და სწავლობდა სოციალიზმს. მარა, როგორც-კი

*) ლათინთა უბანი იყო მაშინ ერთადერთი მყუდრო და უშიშარი ადგილი, რათგან იქ მხოლოდ ვენესიელი ვაჭრები ცხოვრობდნენ და პოლიტიკურ მოძრაობის იმ უბანში, რესპუბლიკის მთავრობას არ ეშინოდა.

მუშათა პარტია ძლიერ იქნა, იმწამსვე სტუდენტობამ ფრონტი იცვალა.

ბისმარკის კანონების გაუქმებას შემდეგ, სოციალ-დემოკრატებმა განახლეს აგიტაციონალური ინტელიგენციაში. უნივერსიტეტიდან ძლიერ წვავე მათრახები მიიღეს, განსაკუთრებით, ანტიემიციებიდან, ნაციონალ-ლიბერალებიდან და რეაქციონერებიდან. შემდეგ-კი, როცა იგძნეს ყოველივე ეს საქმეზე და დარწმუნდნენ სტუდენტების ცერცეტში, უკუ-ავდეს ისინი ღებან-დარმებათ ისინი აღიარეს. და, აი, მაშინ სანამდი რეისტაგში არჩევნები დაიწყებოდა, გერმანელი სტუდენტობა აქტიურათ ეწინააღმდეგებოდა სოციალ-დემოკრატებს და იღებდა მათ წინააღმდეგ სერიოზულ ზომებსაც... სხვებზე უფრო დამტკიცებით აქტიურ მონაწილობას იღებდა პროლეტარულ მოძრაობაში იტალიელი სტუდენტობა. ზოგიერთი მარკსისტები ხსნიან ამ ფენომენალურ მოვლინებას, მოძრაობის ისტორიაში იტალიელ ინტელიგენციის იდეალისტობით. (Гурвичъ: „Участіе интеллигенціи въ современномъ рабочемъ движеніи“). მიზეზი ეს არ არის, უფრო პროზაულია.

იტალია, ევროპის ერთი უღარიბესი მხარეა სადაც კაპიტალიზმი, თითქმის მცირეთაა გავრცელებული და ზედმეტი ღირებულება, რომელიც მხოლოდ ინტელიგენციის ზურგს აწევს, ძლიერ მცირეა. ხოლო მიზიდულება ლიბერალურ პროფესიებისადმი ძლიერ დიდია. ამისდა მიუხედავად, როგორც მაგ. წლიური შემოსავალი ფრანგისა, უდრის 5,000 ფრანკს და იტალიელისა-კი 2,000 ფრანკს და იტალიელისა-კი 100,000 მცხოვრებზე საფრანგეთში იზდება 54 სტუდენტი, და იტალიაში-კი 75 სტუდენტი

(*кольбелли: интеллигентный пролетариатъ въ Италиі*) არცერთ ქვეყანაში არ არის, იმდენი ინტელიგენტური პროლეტარი, რამდენიც იტალიაშია.

ასეთ პირობებში მყოფი იტალიის ინტელიგენცია, არ არი გასაკვირი, რომ ყველა მხარეზე ოპოზიციონური იყოს და, უმთავრესათ, ოპოზიციონური არსებულ წესწყობილეთ ბისა... აქიდან ცხადია, რომ ყველაზე უფრო თავისუფლათ ემხრობა იქაური ახალგაზრდობა თავისუფალ მოძრაობას.

ჩვენ კარგათ ვიცით, რომ არსათ არ არი დედა-მიწაზე ისეთი სოციალისტური პარტია, რომელიც იმდენათ იყოს გაქედნილი ოპორტიუნისმის და რეფორმისმის სულით, როგორც იტალიანურია, რომელიც მარტო იმაზე ზრუნავს, თუ როგორ გაუკეთოს ნიადაგი ინტელეგენტურ მუშაკებს და არა მუშათა კლასის ინტერესებს.

სახელმწიფო სოციალიზმი, აი იდეალი, იდეალისტურათ აზილი იტალიელ ინტელეგენტისა. (Леоне. „Синдикализм“). ასეთი ქიშპური, გულ-ცივი, თავისებურ ეგონისტური დამოკიდებულება ინტელეგენტისა და, კერძოთ-კი, სტუდენტობისა სოციალიზმთან, ადვილათ აიხსნება, თუ მივიღებთ მხედველობაში, რომ ამ ჯგუფს უჭირავს ერთგვარი პოზიცია—მწარმოებელ პროცესში, რომლითაც ბურჟუაზიისთვის ასრულებს არა თუ იმ ორგანიზატორულ და ტექნიკურ ფუნქციებს, არამედ მეტსაც... ჩვენ თუ დავაკვირდებით, გადავათვალიერებთ დასავლეთის თელ სტუდენტობის მოძრაობას ძნელი გასაგებიც არ არი, რო იგი წარმოადგენს რუსთა სტუდენტობის ბედ-იბღლის ფანტაზიას...

იმ ქვეყნებში, საცა კაპიტალს უხდება ძალ-მომრეობით ჩატეხოს ხიდი ძველი ეპოქისა, სტუდენტობა ყოველთვის თავისუფალ მოძრაობის სათავეში ღვას. სტუდენტობა, ვიმეორებ, ყოველთვის ავანგარდშია. ის იბძვის თავის პირდაპირი დანიშნულებისთვის. ის იბძვის მატერიალურ ინტერესების გასაუმჯობესებლათ, თუმცა უმთავრესი როლი ამ ბოლოში, სტუდენტობაზე უფრო ნივთიერათ შეუძლებელ დემოკრატიულ ელემენტებს აქვს. იქვე, საცა ბურჟუაზია პროგრესშია და მით უმეტეს, თუ ის დაახლოვებულია უფლებასთან, ან უფლებიანია, ის ჩქარობს, ყოველ ღონისძიებას ხმარობს, მონაპოლიზაცია უქნას უმაღლეს განათლებას, თვის შვილების ინტერესისთვისვე და უცხადებს „ლოკალტს“, ან დაჩაგრულ, ღარიბ დემოკრატიულ ელემენტებს, „პაუპერებს“, როგორც უწოდებდენ მათ საშვალსაუკუნოებში.

ქ. მოსკოვი.

ს. ნინაშვილი.

მოგზაურობა რატა-ლეხ-სუემი.*)

მართალია, ვახუშტი „წინარების აღმოსავლეთით და გომი—ჯვრის ზეით“ უჩვენებს მონასტერს, ლავრას სახელწოდებით, სადაც ყოფილა ეკლესია გუმბათიანი (გეოგრაფია გვ. 196), მარა არსაიდან ჩანს, რომ ეს მონასტერი ყოფილიყო ის ადგილი, სადაც გადიწერა ჩვენი ოთხთავი.

ათანასე წიგნაურზე და არსენი ჭერემელზე ჩვენ ცნობები არა გვაქს. ძველი ქალაქი ჭერემი, ან ჭერამი, რომლისგან, უეჭველია, მიეღო თვისი წოდება არსენს, მდებარეობდა კახეთში, მდინარე ჭერემზე, რომელიც ალაზანს ერთვის. ჭერემი ვახტანგ გორგასლის დროს მოხსენებულია ციხეთ (ქარ. ცხ. I 147). ახლა-კი ეს ძველი ციხე-ქალაქი წარმოადგენს ერთ პატარა სოფელს. ქალაქი ჭერემი, როგორც მოგვითხრობს გადმოცემა, დაუარსებია ქართლოსის შვილს კახოსს (პლ. იოსელიანი. Города существовавшие существующие в Грузии“ 73 და 74),¹⁾ ვახტანგ გორგასალს-კი გაუშენებია იგი დიდშენი და გუმბათიანი ეკლესიის აშენებით და დაუსვაშს ამ ქალაქში „ეპისკოპოზი მწყემსი შიგნით კახეთისა“ (გეოგრაფია ვახუშტისა, 314 და ქ. ცხ. 1, 146) ერთი 1722 წლის მეფე დავითის (იმამ გულ ხანი) გულჯარიდან სჩანს, რომ ამ წელს ჭერემელად ყოფილა დომენტის (თ. ჟორდანია) ქართლ-კახეთის მონასტრები-და ეკლესიების საისტ. საბუთები, გვ. 70 მეფე თეიმურაზი 1757 წლის გუჯარში ჭერემის ტაძრის თაობაზე მოგვითხრობს: „ეკლესიასა შინს ეპისკოპოზი მისი საყდარსა ზედა მჯდომარე არ გვიანახავს“ და თვით ეკლესია საქართველოს მტერთაგან დანგრეული იყო. ამისთვის მეფე თეიმურაზმა საქერომლო მამულები და სამწყემსო გაიყო ალაველდელ, ბრძებელ და ნინოწმიდელი ღვდელთმთავართა შორის, მათ უნდა მოეარნათ სამწყემსოსათვის და შემოსავლი-

*) იხ. „ცხოვრება“, № 17—18.

1) ჭერემი ახლა დასახლებულია რაჭველებით. რედაქტორი.

1) პლ. იოსელიანი ჭერემს იხსენებს ჭურების სახელით, ალბათ, შეცდომით

თაც ესარგებლათ (ibid. 256-257 ხახანაშვილი, გუჯარები 100-101) 1758 წელს ზემოხსენებული გუჯარი მეფე ირაკლიმ გააუქმა თელი საქერ-მლო გადასცა ბოდბელ მიტრაპოლიტ საბას (ხახანაშვილი. გუჯარები 120).1) მაშასადამე ჰერემის ტაძარს მტერთაგან აობრემა-დანაგრევა და ეპარქიის გაუქმება უნდა მომხდარიყო 1722 წლის შემდეგ. თუმცა 1736 წელს მეფე თეიმურაზის და საღვდლოების იმპერატორიკა ანნა იოანეს ასულისადმი გაგზავნილ წერილში მოხსენებულია ჰერემელი დავითი (პლონგი. Переписка Груз. царей съ Росс. Государевни-214), მარა ზემოხსენებული თეიმურაზის სიტყვები, რომ მას არ უხილავს ჰერემის ეპისკოპოზი თავის კათედრაზე მჯდომარე, გვაფიქრებებს, რომ ეპის. დავითი მხოლოდ იწოდებოდა ჰერემელით, ან თუ მართლა განაგებდა სამწყსოს, ალბათ ბინა ქონდა არა ჰერემში, არამედ სხვაგან, სადმე. თეიმურაზი II გამეფდა 1733 წელს და, თუ ეპის. დავითს ქონდა ბინა ჰერემში, მას არ ექნებოდა საბუთი ეთქვა ამნაირი სიტყვები ჰერემის კათედრის შესახებ.

არსენი ჰერემელი ჩვენი ხელთ ნაწერისა იყო ერთი ამ ეპარქიის მეთერთმეტე საუკუნის პირველი ნახევრის ღვდელთ-მთავართაგანი. ოთხთავი გადაწერილია ამ არსენი ჰერემელის ძმის ათანასე წიგნაურისგან, რომელიც ყოფილა წინამძღვრათ ღვთის მშობლის იმ ლავრისა სადაც გადაიწერა ხელთნაწერი. საიდან მიიღო ათანასემ წიგნაურის წოდება, ვერას ვიტყვით. ხოლო ის გარემოება, რომ ათანასე ყოფილა **მამულობით მამასახლისათ მონასტრისა**2).

1) დიმ. ფურსელაძე ამ გუჯარს შექცობით ათარღლებს 1777 წლით (пер. гуджары 44).

2) ძველათ არა იშვიათი იყო მემკვიდრობით ღვდელთავრობის მიღების მაგალითები. მძლავრნი იპყრობდენ კათედრებს და, რათგანც მათ უყურებდენ, როგორც შემოსავლის წყაროს, გვარში ჩამომავლობით გადადიდდა ეპისკოპოზობა. ამნაირი ღვდელთავრები. მომეტებულ შემთხვევაში, იყვენ უღირსნი და მათ შესახებ დავით აღმაშენებელის შემატანე ამბობს, რომ მათ „მამულობითა, ვიდრე ღირსებით დაეპყრენ უფროს საეპისკოპოზნი“ (ქარ. ცხ. 1,241) და თუ, როგორც მოგვითხრობს იგივე დავით მეფის ისტორიკოსი, ამ ღვდელთავრებმა დაადგინეს მათნივე მსგავსნი ხუცესნი და ქორეპისკოპოზნი (იქვე). უპეველია, ეს

გვაფიქრებებს, რომ არსენი და ათანასე ყოფილან ხორნაბუჯის ერისთავთა გვარიდან.

სალოდებელათ, ან საგოდებელათ ძველათ იწოდებოდა სასაფლაო. წმ. მოწამე ამოს ცხოვრებიდან უკვე ვიცით, რომ ქალაქ თფილისშიაც სასაფლაოს სალოდებელი ერქვა (საქ. სამოთხე—346; ბაქრაძე—Тифлисъ въ истор. и этногр. отношеніяхъ 22 და ი. ჯავახიშვილი. „საქ. ეკონ. ისტორია, წ. 1, 21). ხსენებული ღვთის მშობლის ლავრასაც, როგორც საგვარეულო სამარხ ადგილს, ქონდა მოთვისებული სახელი სალოდებელისა.

39 ფურცლის (ნაანგარიშვეია დარჩენილი ფურცელთა მიხედვით) ქვემო არმიანზე ხელნაწერს აქვს მხედრული მინაწერი:

№ 24. „უღირსი იმერთა კათალიკოზი მაქსიმე მოგ... (შემდეგი არ იკითხება).

მაქსიმეს სახელით დასავლეთ საქართველოში ჩვენ ვიცით ორი კათალიკოზი. ერთი მათგანი ცხოვრობდა მეჩვიდმეტე საუკუნეში და მართავდა საქათალიკოზოს 1639 და 1657 წლებ შვა (თ. ჟორდანი. ჟურ. „განთიადი“, 1913 წ. წიგნი პირველი 1,258). ღვდელი პ. კარბელაშვილის სიტყვით, ეს მაქსიმე დაყენებულ იქნა კათალიკოზათ 1628 წელს, ხოლო 1640 წელს „დროთაშლილობისგან და ჟამთა დაუდგრომელობის გამო“ წარვიდა იერუსალემს, სადაც მიიცივალა და დაეფლა ჯვარის მონასტერში (იერარქია საქ. ეკლესიისა—208) კარბელაშვილის დატები სინამდვილეს არ უნდა ეთანხმებოდეს (თ. ჟორდანი. „განთიადი“, 1913 წ. წიგნი 1, 257 და 258). 1640 წელს 8 თებერვალს მოქვის ტაძარში (აფხაზეთში) მაქსიმემ მიიღო რუსეთის ელჩი ელჩინი და უჩვენა მას თეთრი ქვისგან გაკეთებული კვირისთავი 1), რომელიც, გადმოცემით, ეკუთ-

ბედი ეწვეოდათ მონასტრებსაც. ამ „მამულობით“ საეპისკოპოზოთა და ეკლესია მონასტერთა დაპყრობას ადგილი ქონდა ბაგრატ IV დროსაც (ჯავახიშვილი. ქართ ერის ისტორია 532). და, უეჭველია, ეს სენი იქნებოდა გავრცელებული იმ დროსაც, რომელსაც ეძება ჩვენი ნაწერი. ამნაირი წესი სუფევდა, განსაკუთრებით, იმ მონასტრებში, რომელნიც ითვლებოდენ საგვარეულო მონასტრებათ. ფარსმან ერისთავიც ზარზმის მონასტრის თავის მამულათ თვლის („საყლარსა ზარზმას მამულსა ჩემსა“. იხ. ექვ. თაყიშვილი. Археол. вѣстурсія, разысканія и замѣтки, вып. 1,35)

1) დვ. პ. კარბელაშვილი მოგვითხრობს, რომ მაქსიმემ აჩვენა ელჩინს თეთრი ქვის თითის ტარი ღვთისმშენ-

ნოდა ღვთისმშობელს, და აგრეთვე სხვა რელიკვიებიც¹⁾.

მეორე მაქსიმე ცხოვრობდა მეთვრამეტე საუკუნის მეორე ნახევარში და მიიცვალა კიევში (თ. ჟორდანია. *Архазские Каталики-СН*, გვ. 23 და ჟურ. „განთიადი“, წ. I, 367).

პირველი იყო გვარათ მაქუტაძე, ხოლო მეორე—აბაშიძე. უკანასკნელზე ჩვენ კიდევ მოგვიხდება ლაპარაკი და მაზე აქ არ შევდგებით. მხოლოდ მოგვიხსენებთ, რომ მისი სიკვდილის შემდეგ, შეწყდა იმერეთში კათალიკოზობა.

ძნელი სათქმელია დანამდვილებით, რომელი ამ ორ მაქსიმეთაგანია ნაგულისხმევი ხელნაწერის მინაწერში. მარა, თუ მივიღებთ მხედველობაში მინაწერის ხასიათს, ჩვენი აზრით, მასში უნდა იგულისხმებოდეს მაქსიმე პირველი.

2) ქალაღზე ხუცური ხელნაწერი, 10 X სანტიმეტრი, შეიცავს 17 ფურცელს, ხელნაწერი ეკუთნოდა სხეავის უდაბნოს. წიგნის შინაარსია იოანე ნათლის მკემელი დაუჯდომელი. ბოლოს აქვს მინაწერი, რომელიც გვიჩვენებს, რომ ის გადაწერილია 1766 წელს სიონის დეკანოზის ნიკოლოზის ხელით.

№ 25. „აღიწერა ხელითა სიონის დეკანოზის ნიკოლოზისათა ჩღაგ“.

3) ხუცური ხელთნაწერი დაუჯდომელი იოანე ნათლის მკემლისა, 10 X 9 სანტიმეტრი.

2) იქვე.

ბლისაო (ივარაქია საქ. ეკლესიისა 208). აქ პატივსემულ ავტორს შეგდომით აქვს სიტყვა **თითისტარი**, კვირისთავის მაგივრათ. კვირისთავი, საბა სულხან ორბელიანის განმარტებით, არი საბრუნავის (თითისტარის), თავის წამოსაყვამი, რათა სწორედ ბრუნვიდეს (ლექსიკონი 146). რა მოქვის ტაძარში დატული იყო ღვთის მშობლის კვირისთავი და არა თითისტარის ელჩინის თანამგზავრი ღვდელი პავლეს სიტყვებიდან. ის თავის მოხსენებაში ამბობს: „**Максимъ же епископъ показывалъ веретению каменная бело**“ („Посольство Феодора Ельчина и свящ. Павла Захарьева въ Дадіановскую землю.—см. Читенія въ Имп. общ.исторіи и древностей Російскихъ при Моск. университетѣ. 1887 г., кн. 2-ая статейный списокъ свящ. П. Захарьева стр. 352—353).

ხელთნაწერში 20 ფურცელია. მინაწერები:

№ 26. „განსრულდა ჩყნბ წელსა აბრილის 23“.

№ 27. „ჩყნც-სა წელსა ივნისის თვრამეტსა მარსკვლავმა კუდი გამოიბა“.

4) ხელთნაწერი დავითნი, 16 X 10 სანტ., წიგნი დაშლილია, თავი და ბოლო აკლია, დარჩენილა მხოლოდ 122 ფურცელი. პალეოგრაფიულის ნიშნებით ნიშნებით და ნუსხა ხუცური ხელის ხასიათის მიხედვით, ხელნაწერი შეიძლება მივაკუთნოთ მე XVI—VII საუკუნეს.

5) ხუცური ქალაღზე ხელთნაწერი ეამნი, in octavo, ყდა ტყავისა, თავში აკლია, დარჩენილა მხოლოდ 153 ფურცელი. წერის ხასიათის მიხედვით, ხელნაწერი უნდა ეკუთნოდეს მეჩვიდმეტე საუკუნეს.

6) ხელთნაწერი ხუცური დავითნი, 14 X 10 სანტიმეტრი. თავში რვა ფურცელი აკლია. პირველი ნაწილი ხელ ნაწერისა (136 ფურცელი) დაწერილია პეგრამენტზე, ხოლო მეორე (46 ფ.)— ქალაღზე ამ მეორე ნაწილს შიგა და შიგ და ბოლოსაც ფურცლები აკლია. ზოგიერთ ტყავის ფურცლებს არშიები წაჭრილი აქვს, ალბათ წარწერების მოსასპობლათ. იმ ფურცელს, სადაც მოთავსებულია მეჩვიდმეტე ფსალმუნი, არშიაზე აქვს შემდეგი მხედრული მინაწერი:

№ 28 „ესე ფრალმუნი სამჯერ წავიკითხე მტერისა წარწყმედისათვის“ (მინაწერს ყოველ სიტყვის შემდეგ, უზის სამასამი წერტილი.) სხვა მინაწერები გადასულობისგამო არ იკითხება.

მეორე ნაწილი წიგნისა დაწერილია სხვა ხელით და მეღნით. ეს უკანასკნელი ნაწილი მე XVII საუკუნეს უნდა ეკუთნოდეს. ხოლო პირველი ნაწილი წერის ხასიათით, გაცილებით უფრო ძველია.

(შემდეგი იქნება).
ამბერი.

რედაქტორ-გამომცემელი **რომანოზ ფანცხავა**

III წ. მიიღება ხელის მოწერა 1917 წელს III წ.

სალიტერატურო, საპოლიტიკო და სამეცნიერო ჟურნალ

„ცხოვრება“-ზე“

რომელიც გამოვა ორ კვირაში ერთხელ, რომანოზ სპ. ფანცხავას რედაქტორობით. ჟურნალში ითანამშრომლებენ საუკეთესო სალიტერატურო ძალები (წელიწადი მესამე) წლიურათ ჟურნალი ელირება 6 მ. ნახევარი წლით 3 მ., სამი თვით 1 მ. და 75 კ. თვიურათ 65 კ. წლიურ ხელის მომწერლებს ფულის გადახდა ნაწილ-ნაწილათაც შეუძლიათ. ხელის მოწერის დროს 3 მ., პირველ აპრილს 2 მ. და პირველ ივნისს 1 მ. ქუთაისში ხელის მოწერა და ნუმრებებს ყიდვა შეიძლება მხოლოდ რედაქციის კანტორაში (სტამბა „ძმობა“), ისილორე კვიცარიძესთან. თფილისში, კავკასიის საფერშლო სკოლის მოწაფესთან, ტერენტი გ—ძე სვანიძესთან. მიხაილოვში—იოსებ ყაჭვიშვილთან, ქიათურაში—პლატონ პ—ძე კილასონიასთან, სამტრედიიაში—მინა კოპალეიშვილთან, ფოთში ნესტორ დოლიძესთან, ბათუმში—„განთადის“ კანტორაში, ლანჩხუთში—ლუკა გ—ძე ურუშაძესთან, და ბაქოში—სანდრო ქურდიძესთან, ქალაქის თვითმართველობაში.

ფული უნდა გამოიგზავნოს ამ მისამართით: Кутаисъ. Роману Спиридоновичу Паницхавა.

დაიწყო ხელის მოწერა პროვინციურ საპოლიტიკო და სალიტერატურო გაზეთ

„სამშობლო“-ზე“ 1917 წლისთვის.

(წელიწადი მესამე)

გაზეთის ფასი: ერთი წლით 15 მან., ნახ. წლით 8 მ. ერთი თვით 1 მ. 50 კ. ცალკე ნუმერი 7 კ. თვიური ხელის მოწერა მიიღება მხოლოდ თვის პირველიდან. წლიურ ხელის მომწერლებს გაზეთის ფასი შეუძლიათ შემოიტანონ ნაწილ-ნაწილათაც: პირველათ 5 მან. ხელის მოწერისთანვე. მეორეთ 5 მან. მარტის გასულს და 5 მანათი ივნისის გასულს. რედაქციის კანტორა ღიაა დილის 8 საათიდან სამ საათამდე და ნაშვადღევს 5 საათიდან 8 საათამდე. რედაქტორის ნახვა შეიძლება დილის 8 საათიდან 11 საათამდე. რედაქტორი—ი. თ. ცინცაძე. გამომცემელი ამხანაგობა „სამშობლო“. მისამართი: ქუთაისი, თფილისის ქ. სახლი მიქელაძისა. დეპეშებისთვის: ქუთაისი, „სამშობლო“.

მიიღება ხელის მოწერა 1917 წლისთვის

ყოველ დღიურ საპოლიტიკო საეკონომიო და სალიტერატურო გაზეთ,

„საქართველო“-ზე“

ყოველკვირულ ნახატებიან დამატებით.

გაზეთი არის ეროვნულ დემოკრატიულ მამართულების. განსაკუთრებულ ყურადღებას აქცევს ჩვენი ქვეყნის ეკონომიურ ცხოვრებას: ვაჭრობა-მრეწველობის, სასოფლო მრეწველობის, სასოფლო მეურნეობის წარმატებას, საპროფესიო და სატექნიკო ცოდნათა გავრცელებას. გაზეთს საკუთარი კორესპონდენტები ყავს საქართველოს მნიშვნელოვან დაბა-ქალაქებსა და სოფლებში და აგრეთვე პეტროგრადსა და მოსკოვში.

გაზეთის ფასი: თელი წლით—15 მ. ნახევარი წლით 9 მ. სამი თვით 5 მ. ერთი თვით ქალაქში 1 მ., 80 კ. ქალაქ გარეთიდან გაზეთის გაწერა ერთი თვით, ფოსტის საშვალეებით, არ მიიღება. არა წლიურ ხელის მომწერათათვის გაზეთი თვის პირველ რიცხვიდან იქნება ნახევარიშევი. წლიური ხელის მომწერათათვის ფასის შემოიტანა ნაწილ-ნაწილათაც შეიძლება. შემდეგი წესით: ხელის მოწერის დროს 7 მან., პირველ მარტისთვის 5 მან. და პირველ ივნისისთვის 3 მან. ვისაც სურს გაზეთის გაწერა წლიურათ, ეს უნდა მოიხსენიოს პირველსავე მოწერის დროს. რედაქციის მისამართი: თფილისი, მოსკოვის ქ. № 4. კანტორა ღიაა: ლითიდ 9—3 ს.—სალამ. 5—7-მდი. რედაქტორი: სანდრო შანშიაშვილი. გამომც. ამხ. „საქართველო“.